



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


1000.210.903.2

**Harvard College Library**

THE GIFT OF  
**GINN AND COMPANY**  
DECEMBER 26, 1923



3 2044 097 079 172



BENNETT'S LATIN SERIES

---

# Caesar's Gallic War

Books I-IV

WITH INTRODUCTION, NOTES, AND VOCABULARY

BY

CHARLES E. BENNETT

PROFESSOR OF LATIN IN CORNELL UNIVERSITY



Allyn and Bacon

Boston and Chicago

✓  
Education, 210.903.2

**HARVARD COLLEGE LIBRARY**  
GIFT OF  
**GINN AND COMPANY**  
**DEC. 26, 1923**

COPYRIGHT, 1903, BY  
CHARLES E. BENNETT.

**Norwood Press**  
J. S. Cushing & Co. — Berwick & Smith Co.  
Norwood, Mass., U.S.A.

# CAESAR'S GALLIC WAR.

---

## BOOK I.

### CHAPTERS 1-29. — THE CAMPAIGN AGAINST THE HELVETII.

#### *Gaul and its three divisions.*

1. GALLIA est omnis divisa in partes tres, quarum unam incolunt Belgae, aliam Aquitani, tertiam, qui ipsorum lingua Celtae, nostra Galli appellantur. Hi omnes linguam, institutis, legibus inter se differunt. Gallios ab Aquitanis Garumna flumen, a Belgis Matrona et Sequana dividit.

Horum omnium fortissimi sunt Belgae, propterea quod a cultu atque humanitate provinciae longissime absunt, minimeque ad eos mercatores saepe comeant, atque ea, quae ad effeminandos animos pertinent, important; 10 proximique sunt Germanis, qui trans Rhenum incolunt, quibuscum continenter bellum gerunt. Qua de causa Helvetii quoque reliquos Gallios virtute praecedunt, quod ferè cotidianis proeliis cum Germanis contendunt, cum aut suis finibus eos prohibent, aut ipsi in eorum finibus 15 bellum gerunt.

Eorum una pars, quam Gallios obtinere dictum est, initium capit a flumine Rhodano; continetur Garumna flumine, Oceanò, finibus Belgarum; attingit etiam ab

Séquanis et Helvëtiis flūmen Rhēnum; vergit ad septentrionēs. Belgae ab extrēmīs Galliae finibus oriuntur; pertinent ad inferiōrem partem flūminis Rhēnī; spectant in septentrionem et orientem sōlem. Aquitānia ā  
 5 Garumnā flūmine ad Pyrēnaeōs montēs et eam partem Oceanī, quae est ad Hispāniam, pertinet; spectat inter occāsum sōlis et septentrionēs.

*Orgetorix induces the Helvetii to migrate.*

2. Apud Helvëtiōs longē nōbilissimus fuit et dītissimus Orgetorix. Is, M. Messālā, M. Pisōne cōsulibus,  
 10 rēgnī cupiditāte inductus conjūratiōnem nōbilitātis fecit, et civitatī persuāsit, ut dē finibus suis cum omnibus cōpiis exirent; perfacile esse, cum virtūte omnibus prae-starent, tōtius Galliae imperiō potiri. Id hōc facilius eis persuāsit, quod undique loci nātūrā Helvëtiī continentur:  
 15 unā ex parte flūmine Rhēnō, lātissimō atque altissimō, quī agrum Helvëtium ā Germānis dividit; alterā ex parte monte Jūrā altissimō, quī est inter Sēquanōs et Helvëtiōs; tertiā, lacū Lemannō et flūmine Rhodanō, quī prōvinciam nostram ab Helvëtiis dividit. His rēbus  
 20 fīebat, ut et minus lātē vagārentur et minus facile finitimis bellum inferre possent. Quā ex parte hominēs bellandī cupidī māgnō dolōre afficiēbantur. Prō multitudīne autem hominum et prō glōriā belli atque fortitudinis angustōs sē finēs habēre arbitrābantur, quī in  
 25 longitudinem mīlia passuum CCXI, in lātitudinem CLXXX patēbant.

*The Helvetii make ready. Orgetorix conspires to become king.*

3. His rēbus adductī et auctōritāte Orgetorigis permōti cōstituērunt ea, quae ad proficiēdum pertinē-



rent, comparāre, jumentōrum et carrōrum quam māximum numerum coēmere, sēmentēs quam māximās facere, ut in itinere cōpia frūmenti suppeteret, cum proximis civitatibus pacem et amicitiam cōfirmāre. Ad eas rēs cōficiendās biennium sibi satis esse dūxerunt; in tertium 5 annum profectionem lēge cōfirmant.

Ad eas rēs cōficiendās Orgetorix dēligitur. Is sibi lēgatiōnem ad civitatēs suscepit. In eō itinere persuādet Casticō, Catamantaloedis filiō, Sēquanō, cūjus pater rēgnum in Sēquanis multōs annōs obtinuerat et ā senātū 10 populi Rōmāni amicus appellātus erat, ut rēgnum in civitate suā occupāret, quod pater ante habuerat; itemque Dumnorigi Haeduō, frātri Divitiāci, qui eō tempore principātum in civitate obtinēbat ac māximē plebi acceptus erat, ut idem cōnārētur, persuādet, eique filiam 15 suam in mātrimonium dat. Perfacile factū esse illis probat cōnāta perficere, propterea quod ipse suae civitātis imperium obtentūrus esset; nōn esse dubium, quin tōtius Galliae plūrimum Helvētiī possent; se suis cōpiis suōque exercitū illis rēgna conciliātūrum cōfirmat. 20 Hāc orātiōne adducti inter sē fidem et jūs jūrandum dant, et rēgnō occupātō per trēs potentissimōs ac firmissimōs populōs tōtius Galliae imperiō sēsē potiri posse sperant.


*Trial and death of Orgetorix,*

4. Ea rēs est Helvētiis per indicium enūntiāta. 25 Mōribus suis Orgetorigem ex vinculis causam dicere coēgērunt; damnātum poenam sequi oportēbat, ut Igni cremārētur. Diē cōstitutā causae dictiōnis Orgetorix ad jūdicium omnem suam familiam, ad hominum milia decem, undique coēgit, et omnēs clientēs obaerātōsque suos, 30 quōrum māgnū numerum habēbat, eōdem condūxit;

1000.210.903.2

**Harvard College Library**

THE GIFT OF  
**GINN AND COMPANY**  
DECEMBER 26, 1923





3 2044 097 079 172

*In the interval he bars the passage to the Province.*

8. Interea eā legiōne, quam sēcum habēbat, militibusque, qui ex prōvinciā convēnerant, ā lacū Lemannō, qui in flūmen Rhodanum influit, ad montem Jūram, qui finēs Sēquanōrum ab Helvētiis dividit, milia passuum  
5 XVIII mūrū in altitudinem pedum sēdecim fossamque perducit. Eō opere perfectō praesidia dispōnit, castella commūnit, quō facilius, si sē invītō trānsire cōnārentur, prohibēre possit.

Ubi ea diēs, quam cōstituerat cum lēgātīs, vēnit, et  
10 lēgātī ad eum revertērunt, negat, sē mōre et exemplō populi Rōmānī posse iter illi per prōvinciam dare; et, si vim facere cōnentur, prohibitūrum ostendit. Helvētiī, eā spēs dējectī, nāvibus jūctīs ratibusque complūribus factīs, alii vadīs Rhodanī, quā minima altitūdō flūminis erat,  
15 nōnumquam interdiū, saepius noctū, si perrumpere possent, cōnātī, operis mūnitiōne et militum concursū et telīs repulsi hōc cōnātū dēstitērunt.

*The Helvetii secure permission to go through the territory of the Sequani.*

9. Relinquēbātur ūna per Sēquanōs via, quā Sēquanīs invītīs propter angustias ire nōn poterant. His cum suā  
20 sponte persuādere nōn possent, lēgātōs ad Dumnorīgem Haeduum mittunt, ut eō dēprecātōre ā Sēquanīs impetrārent. Dumnorix grātiā et largitiōne apud Sēquanōs plurimum poterat, et Helvētiis erat amicus, quod ex eā civitāte Orgetorigis filiam in mātrimonium dūxerat, et  
25 cupiditātē rēgnī adductus novīs rēbus studēbat, et quam plurimās civitatēs suō beneficiō habēre obstrictās volēbat. Itaque rem suscipit, et ā Sēquanīs impetrat, ut per finēs suōs Helvētiōs ire patiantur, obsidēsque utī inter sēsē

dent, perficit : Sēquanī, nē itinere Helvētiōs prohibeant ; Helvētiī, ut sine maleficiō et injuriā trānseant.

*Caesar resolves to prevent this. He enrolls fresh legions.*

10. Caesarī renūtiātur, Helvētiīs esse in animō per agrum Sēquanōrum et Haeduōrum iter in Santonum finēs facere, quī nōn longē ā Tolōsātium finibus absunt, quae 5 civitās est in prōvinciā. Id sī fieret, intellegēbat māgnō cum periculō prōvinciae futūrum, ut hominēs bellicōsōs, populi Rōmānī inimicōs, locīs patentibus māximēque frūmentāriis finitimōs habēret. Ob eas causās ei mūnitiōnī, quam fecerat, T. Labiēnum lēgātum praefecit ; ipse in 10 Italiam māgnīs itineribus contendit duāsque ibi legiōnēs cōscribit, et trēs, quae circum Aquilēiam hiemābant, ex hibernīs ēduoit et, quā proximum iter in ulteriōrem Galliam per Alpēs erat, cum hīs quīnque legiōnibus ire contendit. Ibi Ceutronēs et Graiocelī et Caturigēs, locīs 15 superiōribus occupātis, itinere exercitum prohibēre cōnātur. Complūribus hīs proeliis pulsīs, ab Ocelō, quod est oppidum citeriōris prōvinciae extrēmum, in finēs Vocontiorū ulteriōris prōvinciae diē septimō pervenit ; inde in Allobrogum finēs, ab Allobrogibus in Segusiāvōs exerci- 20 tum dūcit. Hī sunt extrā prōvinciam trāns Rhodanum primī.

*The Helvetii ravage the lands of the Gauls. Caesar surprises them and cuts one division to pieces.*

11. Helvētiī jam per angustias et finēs Sēquanōrum suās cōpiās trādūxerant, et in Haeduōrum finēs pervēnerant eōrumque agrōs populābantur. Haeduī cum sē sua- 25 que ab eis dēfendere nōn possent, lēgātōs ad Caesarem mittunt rogātum auxilium : Ita sē omni tempore dē populō

Rōmānō meritōs esse, ut, paene in cōspectū exercitūs nostrī, agrī vāstārī, liberī eōrum in servitūtem abdūcī, oppida expūgnārī nōn dēbuerint. Eōdem tempore, quō Haeduī, Ambarri, necessariī et cōsanguinei Haeduōrum, 5 Caesarem certiōrem faciunt, sēsē, dēpopulātīs agrīs, nōn facile ab oppidīs vim hostium prohibēre. Item Allobrogēs quī trāns Rhodanum vicōs possessionēsque habēbant, fugā sē ad Caesarem recipiunt, et dēmōstrant, sibi prae-ter agrī solum nihil esse reliquī. Quibus rēbus adductus 10 Caesar nōn exspectandum sibi statuit, dum, omnibus for- tūnīs sociōrum cōnsūptīs, in Santonōs Helvētiī pervē- rent.

12. Flūmen est Arar, quod per finēs Haeduōrum et Sēquanōrum in Rhodanum influit, incredibili lēnitāte, ita 15 ut oculīs, in utram partem fluat, iudicārī nōn possit. Id Helvētiī ratibus ac lintribus iūctīs trānsibant. Ubi per explorātōrēs Caesar certior factus est, trēs jam partēs cōpiārum Helvētiōs id flūmen trādūxisse, quārtam ferē partem citrā flūmen Ararim reliquam esse, dē tertiā vigiliā 20 cum legiōnibus tribus ē castrīs profectus ad eam partem pervēnit, quae nōndum flūmen trānsierat. Eōs impeditōs et inopināntēs aggressus māgnam partem eōrum concidit; reliquī sēsē fugae mandārunt atque in proximās silvās abdidērunt. Is pāgus appellābātur Tigurinus; nam omnis 25 civitās Helvētia in quattuor pāgōs dīvisa est. Hīc pāgus ūnus, cum domō exisset patrum nostrōrum memoriā, L. Cassium cōsulem interfēcerat et ejus exercitum sub jugum miserat. Ita sive cāsū sive cōsiliō deōrum im- mortālium, quae pars civitātis Helvētiae insignem ca- 30 lamitātem populō Rōmānō intulerat, ea princeps poenās persolvit. Quā in rē Caesar nōn solum publicās, sed etiam privātās injuriās ultus est, quod ejus socerī L.

Pisōnis avum, L. Pisōnem lēgātum, Tigurīnī eōdem proeliō, quō Cassium, interfēcerant.

*Caesar bridges the Arar. The Helvetii send envoys, who proclaim their defiance.*

13. Hōc proeliō factō, reliquās cōpiās Helvētiōrum ut cōsequī posset, pontem in Ararī faciendum cūrat atque ita exercitum trādūcit. Helvētiī repentinō ejus adventū 5 commōtī, cum id, quod ipsī diēbus xx aegerrimē cōnfēcerant, ut flūmen trānsirent, illum ūnō diē fēcisse intellegent, lēgātōs ad eum mittunt; cūjus lēgatiōnis Diviciō princeps fuit, quī bellō Cassiānō dux Helvētiōrum fuerat. Is ita cum Caesare ēgit: Sī pācem populus Rōmānus cum 10 Helvētiīs faceret, in eam partem itūrōs atque ibi futūrōs Helvētiōs, ubi eōs Caesar cōstituisset atque esse voluisset; sin bellō persequī perseverāret, reminiscerētur et veteris incommodī populī Rōmānī et pristinae virtūtis Helvētiōrum. Quod imprōvisō ūnum pāgum adortus 15 esset, cum ei, quī flūmen trānsissent, suis auxilium ferre nōn possent, nē ob eam rem aut suae māgnopere virtūtī tribueret aut ipsōs dēspiceret; sē ita ā patribus mājōribusque suis didicisse, ut magis virtūte contenderent, quam dolō aut insidiīs nīterentur. Quārē nē committeret, ut 20 is locus, ubi cōstitissent, ex calamitāte populī Rōmānī et interneciōne exercitūs nōmen caperet aut memoriā prōderet.

*Caesar protests, but offers terms, which the Helvetii reject.*

14. Hīs Caesar ita respondit: Eō sibi minus dubitatiōnis darī, quod eās rēs, quās lēgātī Helvētiī commemorās- 25 sent, memoriā tenēret, atque eō gravius ferre, quō minus meritō populī Rōmānī accidissent; quī sī alicūjus injūriae

sibi cōnsciis fuisset, nōn fuisse difficile cavere; sed eō  
dēceptum, quod neque commissum ā sē intellexeret,  
quārē timēret, neque sine causā timendum putāret. Quod  
sī veteris contumēliae oblivisci vellet, num etiam recen-  
5 tium injūriarum, quod eō invitō iter per prōvinciam per  
vim temptāssent, quod Haeduōs, quod Ambarrōs, quod  
Allobrogēs vexāssent, memoriam dēpōnere posse? Quod  
suā victoriā tam insolenter glōriārentur, quodque tam diū  
sē impūne injūriās tulisse admirārentur, eōdem pertinēre.  
10 Cōnsuēsse enim deōs immortalēs, quō gravius hominēs ex  
commūtātiōne rērum dōleant, quōs prō scelere eōrum  
ulcisci velint, hīs secundiōrēs interdum rēs et diūturni-  
ōrem impūnitātem concēdere. Cum ea ita sint, tamen,  
sī obsidēs ab eis sibi dentur, uti ea, quae polliceantur, fac-  
15 tūrōs intellegat, et sī Haeduīs dē injūriis, quās ipsis so-  
ciisq̄ue eōrum intulerint, item sī Allobrogibus satisfaciant,  
sēsē cum eis pācem esse factūrum.

Divicō respondit: Ita Helvētiōs ā mājoribus suis insti-  
tūtōs esse, uti obsidēs accipere, nōn dare, cōnsuērint; ējus  
20 rei populum Rōmānum esse testem. Hōc respōnsō datō  
discessit.

*Caesar follows the Helvetii.*

15. Posterō diē castra ex eō locō movent. Idem facit  
Caesar equitātumque omnem, ad numerum quattuor mī-  
lium, quem ex omnī prōvinciā et Haeduīs atque eōrum  
25 sociis coāctum habēbat, praemittit, quī videant, quās in  
partēs hostēs iter faciant. Quī cupidius novissimum  
agmen insecūti aliōnō locō cum equitātū Helvētiōrum  
proelium committunt, et pauci dē nostrīs cadunt. Quō  
proeliō sublāti Helvētīi, quod quīngentīs equitibus tantam  
30 multitudinem equitum prōpulerant, audācius subsistere  
nōnnumquam et novissimō agmine proeliō nostrōs laces-



sere coep̄erunt. Caesar suōs ā proeliō continēbat, ac satis habēbat in praesentia hostem rapīnis, pābulātiōnibus populātiōnibusque prohibēre. Ita diēs circiter quīndecim iter fecērunt, utī inter novissimum hostium agmen et nostrum prīmum nōn amplius quīnis aut sēnis milibus passuum interesset.

*The Haedui fail to furnish promised supplies. Liscus explains why.*

16. Interim cotīdiē Caesar Haeduōs frūmentum, quod essent publicē polliciti, flāgitāre. Nam propter frigora, quod Gallia sub septentrīōnibus, ut ante dictum est, posita est, nōn modo frūmenta in agrīs mātūra nōn erant, sed nē pābuli quidem satis māgna cōpia suppetēbat; eō autem frūmentō, quod flūmine Ararī nāvibus subvexerat, propterea minus ūtī poterat, quod iter ab Ararī Helvētiī āverterant, ā quibus discēdere nōlēbat. Diem ex diē dūcere Haeduī; cōnferri, comportārī, adesse dicere. 15

Ubi sē diūtius dūci intellēxit et diem instāre, quō diē frūmentum militibus mētīri oportēret, convocātis eōrum principibus, quōrum māgnam cōpiam in castris habēbat, in hīs Divitiācō et Liscō, quī summō magistrātui praeerat, quem vergobretum appellant Haeduī, quī creātur annuus 20 et vītāe necisque in suōs habet potestātem, graviter eōs accūsāt, quod, cum neque emī neque ex agrīs sūmī posset, tam necessariō tempore, tam propinquīs hostibus, ab eis nōn sublevētur; praesertim cum māgnā ex parte eōrum precibus adductus bellum suscep̄erit, multō etiā gravius, 25 quod sit dēstitūtus, queritur.

17. Tum dēnum Liscus orātiōne Caesaris adductus, quod antea tacuerat, prōpōnit: Esse nōnnūllōs, quōrum auctōritās apud plēbem plūrimum valeat, quī privātum

plūs possint quam ipsī magistrātūs. Hōs sēditiosā atque improbā orātiōne multitudinem dēterrere, nē frūmentum cōferant, quod dēbeant: praestāre, sī jam principātum Galliae obtinēre nōn possint, Gallōrum quam Rōmānōrum  
 5 imperia perferre; neque dubitāre dēbēre, quīn, sī Helvētiōs superāverint Rōmānī, unā cum reliquā Galliā Haeduīs libertātem sint ēreptūrī. Ab eisdem nostra cōnsilia, quaeque in castris gerantur, hostibus ēnūtiārī; hōs ā sē coercērī nōn posse. Quīn etiam, quod necessariō rem  
 10 coactus Caesarī ēnūtiārit, intelligere sēsē, quantō id cum periculō fēcerit, et ob eam causam, quam diū potuerit, tacuisse.

*Dumnorix shown to be hostile to the Romans.*

18. Caesar hāc orātiōne Liscī Dumnorigem, Divitiāci frātre, dēsīgnārī sentiēbat; sed, quod plūribus praesentibus eās rēs jactārī nōlēbat, celeriter concilium dīmittit, Liscum retinet. Quaerit ex sōlō ea, quae in conventū dixerat; dicit liberius atque audācius. Eadem sēcrētō ab aliīs quaerit, reperit esse vērā: Ipsum esse Dumnorigem, summā audāciā, māgnā apud plēbem propter liberā  
 20 litātem grātiā, cupidum rerum novārum. Complūrēs annōs portōria reliquaue omnia Haeduōrum vectigālīa parvō pretiō redēpta habēre, proptereā quod illō licente contrā licērī audeat nēmō. Hīs rēbus et suam rem familiārem auxisse et facultātēs ad largiendum māgnās com-  
 25 parāsse; māgnū numerum equitātūs suō sūmptū semper alere et circum sē habēre, neque solum domī, sed etiam apud finitimās civitātēs largiter posse, atque hūjus potentiae causā mātrem in Biturigibus hominī illic nobilissimō ac potentissimō collocāsse; ipsum ex Helvētiīs uxōrem  
 30 habēre, sorōrem ex mātre et propinquās suās nūptum in

alias civitatēs collocāsse. Favere et cupere Helvētiis propter eam affinitatem, ōdisse etiam suō nōmine Caesarem et Rōmānōs, quod eōrum adventū potentia ējus dēminūta et Dīvitiācus frāter in antiquum locum grātiaē atque honoris sit restitūtus. Si quid accidat Rōmānis, summam 5 in spem per Helvētiōs rēgnī obtinendī venīre; imperiō populi Rōmānī nōn modo dē rēgnō, sed etiam dē eā, quam habeat, grātiā dēspērāre.

Reperiēbat etiam in quaerendō Caesar, quod proelium equestre adversum paucis ante diēbus esset factum, initium 10 ējus fugae factum ā Dumnorige atque ējus equitibus (nam equitātū, quem auxiliō Caesarī Haedui miserant, Dumnorix praeerat), eōrum fugā reliquum esse equitātum perterritum.

*Caesar proposes punishing Dumnorix.*

19. Quibus rēbus cognitīs, cum ad hās suspiciōnēs certissimae rēs accēderent, quod per finēs Sēquanōrum Helvētiōs trādūxisset, quod obsidēs inter eōs dandōs cūrāsset, quod ea omnia nōn modo injussū suō et civitātis, sed etiam inscientibus ipsis fēcisset, quod ā magistrātū Haeduōrum accūsārētur, satis esse causae arbitrābātur, quārē 20 in eum aut ipse animadverteret, aut civitatem animadvertere jubēret.

His omnibus rēbus unum repugnābat, quod Dīvitiāci frātris summum in populum Rōmānum studium, summam in sē voluntatem, egregiam fidem, iustitiam, temperantiam cognōverat; nam, nē ējus suppliciō Dīvitiāci animum offenderet, verēbātur. Itaque priusquam quicquam cōnārētur, Dīvitiācum ad sē vocārī jubet et, cotidianis interpretibus remōtis, per C. Valerium Troucillum, principem Galliae prōvinciae, familiārem suum, cui sum- 30

mam omnium rerum fidem habebat, cum eo colloquitur; simul commonefacit, quae ipso praesente in concilio Gallorum de Dumnorige sint dicta, et ostendit, quae separatim quisque de eo apud se dixerit. Petit atque hortatur, ut sine ejus offensione animi vel ipse de eo causam cognitam statuatur, vel civitatem statuere jubeat.

*At the solicitation of Divitiacus, Caesar pardons Dumnorige.*

20. Divitiacus multis cum lacrimis Caesarem complexus obsecrare coepit, ne quid gravius in fratrem statueret:

10 Scire se, illa esse vera, nec quemquam ex eo plus quam se doloris capere, propterea quod, cum ipse gratiam plurimum domi atque in reliqua Gallia, ille minimum propter adulescentiam posset, per se crevisset; quibus opibus ac nervis non solum ad minuendam gratiam, sed paene  
15 ad perniciem suam uteretur. Sese tamen et amore fraterno et existimatione vulgi commoveri. Quod si quid ei a Caesare gravius accidisset, cum ipse eum locum amicitiae apud eum teneret, neminem existimaturum, non suam voluntate factum; quam ex re futurum, uti totius Galliae  
20 animi a se averterentur.

Haec cum pluribus verbis flens a Caesare peteret, Caesar ejus dextram prendit; consolatus rogat, finem orandi faciat; tanti ejus apud se gratiam esse ostendit, uti et rei publicae injuriam et suum dolorem ejus voluntati ac precibus condonet. Dumnorigem ad se vocat, fratrem adhibet; quae in eo reprehendat, ostendit; quae ipse intellegat, quae civitas queratur, proponit; monet, ut in reliquum tempus omnes suspensiones vitet; praeterita se Divitiaco fratri condonare dicit. Dumnorigi custodes  
30 ponit, ut, quae agat, quibuscum loquatur, scire possit.

*Caesar plans a flank movement.*

21. Eodem diē ab explorātōribus certior factus, hostēs sub monte cōnsēdisse milia passuum ab ipsius castris octō, quālis esset nātūra montis et quālis in circuitū ascēsus, quī cognōscerent, misit. Renūntiātum est, facilem esse. De tertiā vigiliā T. Labiēnum, lēgātum 5 prō praetōre, cum duābus legiōnibus et eis ducibus, quī iter cognōverant, summum jugum montis ascendere iubet; quid suī cōsiliī sit, ostendit. Ipse de quārtā vigiliā eodem itinere, quō hostēs ierant, ad eōs contendit equitātumque omnem ante sē mittit. P. Cōnsidius, quī rei 10 militāris perītissimus habebātur et in exercitū L. Sullae et postea in M. Crassī fuerat, cum explorātōribus praemittitur.

*The plan falls in consequence of Considius's blunder.*

22. Primā luce, cum summus mōns ā Labiēnō tenērētur, ipse ab hostium castris nōn longius mille et quīn- 15 gentis passibus abesset, neque, ut postea ex captivīs comperit, aut ipsius adventus aut Labiēni cognitus esset, Cōnsidius equō admissō ad eum accurrit, dicit montem, quem ā Labiēnō occupārī voluerit, ab hostibus tenērī; id sē ā Gallicis armīs atque insignibus cognōvisse. Caesar 20 suās cōpiās in proximum collem subducit, aciem instruit. Labiēnus, ut erat ei praeceptum ā Caesare, nē proelium committeret, nisi ipsius cōpiae prope hostium castra vīsae essent, ut undique ūnō tempore in hostēs impetus fieret, monte occupātō nostrōs exspectābat proeliōque 25 abstinēbat. Multō dēnique diē per explorātōrēs Caesar cognōvit, et montem ā suis tenērī et Helvētiōs castra mōvisse et Cōnsidium timōre perterritum, quod nōn vidisset, prō vīsō sibi renūntiāsse. Eō diē, quō cōnsue-

rat intervallō, hostēs sequitur et milia passuum tria ab eōrum castris castra pōnit.

*Caesar turns to Bibracte. The Helvetii follow.*

23. Postridiē ejus diēi, quod omnino bīduum supererat, cum exercitui frumentum mētiri oportēret, et quod  
5 a Bibracte, oppidō Haeduōrum longē māximō et cōpiōsissimō, nōn amplius milibus passuum XVIII aberat, rei frumentariae prōspiciendum existimāvit; iter ab Helvētiis avertit ac Bibracte ire contendit. Ea rēs per fugitivōs L. Aemili, decuriōnis equitum Gallōrum, hostibus nūnti-  
10 ātur. Helvētiī, seu quod timōre perterritōs Rōmānōs discēdere a sē existimārent (eō magis quod pridīē, superioribus locis occupātis, proelium nōn commississent), sive eō, quod rē frumentariā interclūdī posse cōfiderent, cōmūtātō cōnsiliō atque itinere conversō nostrōs a novissimō  
15 agmine insequi ac lacessere coepērunt.

*Crushing defeat of the Helvetii.*

24. Postquam id animum advertit, cōpiās suās Caesar in proximum collem subducit equitātumque, qui sustinēret hostium impetum, misit. Ipse interim in colle mediō triplicem aciem instruxit legiōnum quattuor veterān-  
20 rum; sed in summō jugō duās legiōnēs quās in Galliā citeriōre proximē cōnscripserat et omnia auxilia collocārī ac tōtū montem hominibus complērī, et intereā sarcinās in unum locum cōnferri et eum ab hīs qui in superioriē acie cōstitērant, mūniri jussit. Helvētiī cum omnibus  
25 suis carrīs secūti impedimenta in unum locum contulērunt; ipsī, cōnfertissimā acie rējectō nostrō equitātū, phalange factā sub primam nostram aciem successērunt.

25. Caesar, primum suō, deinde omnium ex cōspectū

remōtis equīs, ut aequātō omnium periculō spem fugae tolleret, cohortātus suōs proelium commisit. Milites ē locō superiōre pilīs missis facile hostium phalangem perfrēgerunt. Eā disiectā, gladiis dēstrictis in eōs impetum fecerunt. Gallis māgnō ad pūgnam erāt impedimentō, 5 quod, plūribus eōrum scūtīs unō ictū pilōrum trānsfixis et colligātis, cum ferrum sē inflexisset, neque ēvellere neque sinistrā impeditā satis commodē pūgnāre poterant, multi ut diū jactātō bracciō praeoptārent scūtum manū ēmittere et nudō corpore pūgnāre. 10

Tandem vulneribus dēfessi et pedem referre et, quod mōns suberat circiter mille passuum eō sē recipere coeperunt. Captō monte et succēdentibus nostris, Bōji et Tulingi, quī hominum milibus circiter xv agmen hostium claudēbant et novissimis praesidiō erant, ex itinere nostrōs ab latere apertō aggressi circumvenire, et id cōspicāti Helvētiī, quī in montem sēsē recēperant, rūsus instāre et proelium redintegrāre coeperunt. Rōmāni conversa signa bipertitō intulērunt, prīma et secunda aciēs, ut victis ac summōtis resisteret, tertia, ut veniētēs 20 sustinēret.

26. Ita ancipiti proeliō diū atque acriter pūgnātum est. Diūtius cum sustinēre nostrōrum impetūs nōn possent, alteri sē, ut coeperant, in montem recēperunt, alteri ad impedimenta et carrōs suōs sē contulērunt. Nam hōc 25 tōtō proeliō, cum ab hōrā septimā ad vesperum pūgnātum sit, āversum hostem vidēre nēmō potuit. Ad multam noctem, etiam ad impedimenta pūgnātum est, propterea quod prō vāllō carrōs objecerant et ē locō superiōre in nostrōs veniētēs tela coniciēbant, et nōnnūlli inter carrōs 30 raedāsque matarās ac trāgulās subiciēbant nostrōsque vulnerābant. Diū cum esset pūgnātum, impedimentis

castrisque nostri potiti sunt. Ibi Orgetorigis filia atque unus ē filius captus est.

Ex eo proelio circiter hominum milia cxxx superfuerunt eaque tota nocte continenter ierunt; nullam partem  
 5 noctis itinere intermissō, in finēs Lingonum diē quārtō pervēnerunt, cum et propter vulnera militum et propter sepulturam occisorum nostri triduum morati eos sequi  
 non potuissent. Caesar ad Lingonas litteras nuntiosque misit, ne eos frumento neve alia re juvarent; qui si  
 10 juvissent, se eodem loco, quo Helvetios, habiturum. Ipse triduo intermissō cum omnibus copiis eos sequi coepit.

*The Helvetii and their allies surrender.*

27. Helvetii omnium rerum inopia adducti legatos de deditiōne ad eum miserunt. Qui cum eum in itinere convenissent seque ad pedes projecissent suppliciterque  
 15 locuti flentes pacem petissent, atque eos in eo loco, quod tum essent, suum adventum expectare jussisset, paruerunt. Eo postquam Caesar pervenit, obsides, arma, servos, qui ad eos perfugissent, poposcit. Dum ea conquiruntur et conferuntur, nocte intermissa, circiter homi-  
 20 num milia vi ejus pagi, qui Verbigenus appellatur, sive timore perterriti, ne armis traditis supplicio afficerentur, sive spe salutis inducti, quod in tanta multitudo dediticiorum suam fugam aut occultari aut omnino ignorari posse existimarent, prima nocte ē castris Hel-  
 25 vetiorum egressi ad Rhenum finesque Germanorum contenderunt.

*Caesar orders them to return to their homes.*

28. Quod ubi Caesar rescit, quorum per fines ierant, his, uti conquirerent et reducerent, si sibi purgati esse



vellent, imperāvit; reductōs in hostium numerō habuit; reliquōs omnēs, obsidibus, armīs, perfugīs trāditis, in deditiōnem accēpit. Helvētiōs, Tulingōs, Latobrigōs in finēs suōs, unde erant profectī, revertī iussit; et, quod omnibus frūgibus āmissis domī nihil erat, quō famem 5 tolerārent, Allobrogibus imperāvit, ut eis frūmenti cōpiam facerent; ipsōs oppida vicōsque, quōs incenderant, restituere iussit.

Id eā māximē ratiōne fēcit, quod nōluit eum locum, unde Helvētīi discesserant, vacāre, nē propter bonitātem 10 agrōrum Germānī, quī trāns Rhēnum incolunt, ē suis finibus in Helvētiōrum finēs trānsirent et finitimī Galliae prōvinciae Allobrogibusque essent. Bōjōs, petentibus Haeduīs, quod ēgregiā virtūte erant cognitī, ut in finibus suis collocārent, concessit; quibus illī agrōs dedērunt, 15 quōsque postea in parem jūris libertātisque condiōnem, atque ipsī erant, recēpērunt.

*The number of the Helvetii and their allies.*

29. In castris Helvētiōrum tabulae repertae sunt litteris Graecis cōfectae et ad Caesarem relatae, quibus in tabulis nōminatim ratiō cōfecta erat, quī numerus domō 20 exisset eōrum, quī arma ferre possent, et item sēparatim puerī, senēs mulierēsque. Quārum omnium rērum summa erat capitum Helvētiōrum milia cclxiii, Tulingōrum milia xxxvi, Latobrigōrum xiiii, Rauracōrum xxiii, Bōjōrum xxxii; ex his, quī arma ferre possent, ad milia 25 nōnāgintā duo. Summa omnium fuērunt ad milia ccclxviii. Eōrum, quī domum rediērunt, cēnsū habitō, ut Caesar imperāverat, repertus est numerus milium o et x.

## CHAPTERS 30-54.—THE WAR WITH ARIOVISTUS.

*The Gallic chiefs request a conference with Caesar.*

30. Bello Helveticorum confectō tōtius ferē Galliae  
lēgātī, principēs civitātum, ad Caesarem grātulātum con-  
vērunt: Intellegere sēsē, tametsi prō veteribus Helvē-  
tiorum injūriis populi Rōmāni ab hīs poenās bellō  
5 repetisset, tamen eam rem nōn minus ex tūā terrae  
Galliae quam populi Rōmāni accidisse, propterea quod eō  
cōnsiliō flōrentissimis rēbus domōs suās Helvētīi reli-  
quissent, utī tōtī Galliae bellum inferrent imperiōque  
potirentur locumque domiciliō ex māgnā cōpiā dēligerent,  
10 quem ex omni Galliā opportūnissimum ac fructuōsissi-  
mum jūdicāssent, reliquāsque civitātēs stipendiāriās  
habērent.

Petiērunt, utī sibi concilium tōtius Galliae in diem  
certam indicere idque Caesaris voluntāte facere liceret;  
15 sēsē habēre quāsdam rēs, quās ex commūni cōnsensū ab  
eō petere vellent. Eā rē permissā diem conciliō cōstitu-  
ērunt et jūre jūrādō, nē quis ēnūtiāret, nisi quibus  
commūni cōnsiliō mandātum esset, inter sē sānxērunt.

*The conference. The Gauls complain of Ariovistus's tyranny  
and beg for Caesar's help.*

31. Eō conciliō dīmissō idem prīncipēs civitātum, qui  
20 ante fuerant, ad Caesarem revertērunt petiēruntque, ut  
sibi sēcrētō dē suā omniumque salūte cum eō agere licē-  
ret. Eā rē impetrātā sēsē omnēs flentēs Caesarī ad pedēs  
prōjēcērunt: Nōn minus sē id contendere et laborāre, nē  
ea, quae dīxissent, ēnūtiārentur, quam utī ea, quae vellent,  
25 impetrārent, propterea quod, sī ēnūtiātum esset, summum  
in cruciātum sē ventūrōs vidērent.

Locūtus est prō hīs Divitiācus Haeduus : Galliae tōtius  
 factiōnēs esse duās ; hārum alterius principātum tenēre  
 Haeduōs, alterius Arvernōs. Hī cum tantopere dē poten-  
 tātū inter sē multōs annōs contenderent, factum esse,  
 utī ab Arvernīs Sēquanīsque Germānī mercēde arcesse- 5  
 rentur. Hōrum primō circiter milia xv Rhēnum trānsisse ;  
 posteaquam agrōs et cultum et cōpiās Gallōrum hominēs  
 ferī ac barbarī adamāssent, trāductōs plūrēs ; nunc esse in  
 Galliā ad centum et xx milium numerum. Cum hīs  
 Haeduōs eōrumque clientēs semel atque iterum armīs 10  
 contendisse ; māgnam calamitātem pulsōs accēpisse, omnem  
 nōbilitātem, omnem senātum, omnem equitātum amīsisse.  
 Quibus proeliis calamitātibusque frāctōs, quī et suā  
 virtūte et populī Rōmānī hospitio atque amicitia plūri-  
 mum ante in Galliā potuissent, coactōs esse Sēquanīs 15  
 obsidēs dare nōbilissimōs civitātis et iūre iurandō civitātem  
 obstringere, sēsē neque obsidēs repetītūrōs neque auxilium  
 ā populō Rōmānō implōrātūrōs, neque recūsātūrōs, quō  
 minus perpetuō sub illōrum diciōne atque imperiō essent.  
 Unum sē esse ex omni civitāte Haeduōrum, quī addūci 20  
 nōn potuerit, ut iūrāret aut liberōs suōs obsidēs daret. Ob  
 eam rem sē ex civitāte profūgissee et Rōmam ad senātum  
 vēnissee auxilium postulātum, quod sōlus neque iūre iurandō  
 neque obsidibus tenērētur.

Sed pējus victōribus Sēquanīs quam Haeduīs victis acci- 25  
 disse, propterea quod Ariovistus, rēx Germānōrum, in  
 eōrum finibus cōnsēdisset tertiamque partem agrī Sēquanī,  
 quī esset optimus tōtius Galliae, occupāvisset, et nunc dē  
 alterā parte tertiā Sēquanōs dēcēdere jubēret, propterea  
 quod paucis mēsis ante Harūdum milia hominum 30  
 xxiiii ad eum vēnissent, quibus locus ac sēdēs parārentur.  
 Futūrum esse paucis annis, utī omnēs ex Galliae finibus

pellerentur atque omnēs Germānī Rhēnum trānsirent; neque enim cōferendum esse Gallicum cum Germānōrum agrō, neque hanc cōnsuetūdinem victūs cum illā comparandam.

- 5 Ariovistum autem, ut semel Gallōrum cōpiās proeliō vicerit, quod proelium factum sit Admagetobrigae, superbē et crudēliter imperāre, obsidēs nōbilissimī cūjusque liberos poscere et in eōs omnia exempla cruciātūsque ēdere, si qua rēs nōn ad nūtum aut ad voluntātem ejus facta sit.
- 10 Hominem esse barbarum, irācundum, temerārium; nōn posse ejus imperia diūtius sustinēre. Nisi quid in Caesare populōque Rōmānō sit auxiliī, omnibus Gallīs idem esse faciendum, quod Helvētīī fēcērint, ut domō ēmigrant, aliud domicilium, aliās sēdēs, remōtās ā Germānis, petant
- 15 fortūnamque, quaecumque accidat, experiantur. Haec si ēnūtiāta Ariovistō sint, nōn dubitāre, quā dē omnibus obsidibus, quī apud eum sint, gravissimum supplicium sūmat. Caesarem vel auctōritāte suā atque exercitūs vel recentī victoriā vel nōmine populi Rōmānī dēterrere
- 20 posse, nē mājor multītūdō Germānōrū Rhēnum trādūcātur, Galliamque omnem ab Ariovistī injuriā posse dēfendere.

*Flight of the Sequani.*

32. Hāc orātiōne ab Divitiācō habitā, omnēs, qui aderant, māgnō flētū auxilium ā Caesare petere coepērunt.
- 25 Animadvertit Caesar, unōs ex omnibus Sēquanōs nihil eārum rērum facere, quās cēteri facerent, sed tristēs capite dēmissō terram intueri. Ejus rei quae causa esset, mirātus ex ipsīs quaeiit. Nihil Sēquanī respondēre, sed in eādē tristitiā tacitī permanēre. Cum ab hīs saepius quaereret
- 30 neque illam omnīnō vōcem exprimere posset, idem Divitiācus Haeduus respondit: Hōc esse miserīorem et graviō-

rem fortunam Sēquanōrum quam reliquōrum, quod solī  
 nē in occultō quidem queri neque auxilium implōrāre  
 auderent absentisque Ariovistī crūdēlītātem, velut sī  
 cōram adesset, horrerent, proptereā quod reliquīs tamen  
 fugae facultās darētur, Sēquanīs vērō, quī intrā finēs suōs  
 Ariovistum recēpissent, quōrum oppida omnia in potestāte  
 ējus essent, omnēs cruciātūs essent perferendī.

*Caesar decides that Ariovistus's present power is dangerous.*

**33.** Hīs rēbus cognitīs Caesar Gallōrum animōs verbis  
 cōfirmāvit pollicitusque est, sibi eam rem cūrae futuram;  
 māgnam sē habēre spem, et beneficiō suō et auctōritāte 10  
 adductum Ariovistum finem injūriis factūrum. Hāc orā-  
 tiōne habitā concilium dīmisit. Et secundum ea multae  
 rēs eum hortābantur, quārē sibi eam rem cōgitandam et  
 suscipiendam putāret, in primīs, quod Haeduōs, frātrēs  
 cōnsanguineōsque saepenumērō ā senātū appellātōs, in 15  
 servitūte atque in diciōne vidēbat Germānōrum tenērī,  
 eōrumque obsidēs esse apud Ariovistum ac Sēquanōs  
 intellegēbat; quod in tantō imperiō populī Rōmānī tur-  
 pissimum sibi et rei pūblicae esse arbitrābātur. Paulā-  
 tim autem Germānōs cōnsuēscere Rhēnum trānsire, et 20  
 in Galliam māgnam eōrum multitudinem venīre, populō  
 Rōmānō periculōsum vidēbat; neque sibi hominēs ferōs  
 ac barbarōs temperātūrōs existimābat, quīn, cum omnem  
 Galliam occupāvissent, ut ante Cimbri Teutonīque fēcis-  
 sent, in prōvinciam exīrent atque inde in Italiam con- 25  
 tenderent, praesertim cum Sēquanōs ā prōvinciā nostrā  
 Rhodanus divideret; quibus rēbus quam mātūrrimē oc-  
 currendum putābat. Ipse autem Ariovistus tantōs sibi  
 spīritūs, tantam arrogantiam sūmpserat, ut ferendus nōn  
 vidērētur.

*Ariovistus rejects Caesar's request for a conference.*

34. Quam ob rem placuit ei, ut ad Ariovistum lēgātōs mitteret, quī ab eō postulārent, utī aliquem locum medium utriusque colloquiō dēligeret; velle sēsē dē rē pūblicā et summīs utriusque rēbus cum eō agere. Ei lēgātiōnī  
 5 Ariovistus respondit: Si quid ipsī ā Caesare opus esset, sēsē ad eum ventūrum fuisse; si quid ille sē velit, illum ad sē venīre oportēre. Praetereā sē neque sine exercitū in eās partēs Galliae venīre audēre, quās Caesar possidēret, neque exercitum sine māgnō commeātū atque mōli-  
 10 mentō in ūnum locum contrahere posse. Sibi autem mīrum vidērī, quid in suā Galliā, quam bellō vicisset, aut Caesarī aut omnīnō populō Rōmānō negōtī esset.

*Caesar's demands.*

35. Hīs respōnsīs ad Caesarem relātīs, iterum ad eum Caesar lēgātōs cum hīs mandātīs mittit: Quoniam tantō  
 15 suō populīque Rōmānī beneficiō affectus (cum in cōn-sulātū suō rēx atque amīcus ā senātū appellātus esset) hanc sibi populōque Rōmānō grātiā referret, ut in colloquium venīre invitātus gravārētur neque dē commūnī rē dīcendum sibi et cognōscendum putāret, haec esse,  
 20 quae ab eō postulāret: prīmum, nē quam multitudinem hominum amplius trāns Rhēnum in Galliam trādūceret; deinde, obsidēs, quōs habēret ab Haeduīs, redderet, Sē-quanisque permitteret, ut, quōs illī habērent, voluntāte ejus reddere illīs liceret; nēve Haeduōs injūriā lacesseret,  
 25 nēve hīs sociīsque eōrum bellum inferret.

Si id ita fēcisset, sibi populōque Rōmānō perpetuam grātiā atque amīcitiam cum eō futūram; si nōn impetrāret, sēsē, quoniam M. Messālā, M. Pisōne cōsulibus senātus cēnsuisset, utī, quicumque Galliam prōvinciam

obtinēret, quod commodō rei pūblicae facere posset, Haeduōs cēterōsque amicōs populi Rōmānī dēfenderet, sē Haeduōrum injūriās nōn neglētūrum.

*Ariovistus condemns Caesar's interference, and defies his power.*

36. Ad haec Ariovistus respondit: Jūs esse bellī, ut, quī vicissent, eis, quōs vicissent, quem ad modum vellent, imperārent; item populum Rōmānum victīs nōn ad alterius praescriptum, sed ad suum arbitrium imperāre cōnsuēsse. Si ipse populō Rōmānō nōn praescriberet, quem ad modum suō jūre ūteretur, nōn oportere sē ā populō Rōmānō in suō jūre impediri. 10

Haeduōs sibi, quoniam bellī fortūnam temptāssent et armīs congressī ac superātī essent, stipendiāriōs esse factōs. Māgnam Caesarem injūriam facere, quī suō adventū veotigālia sibi dēteriōra faceret. Haeduīs sē obsidēs redditūrum nōn esse, neque hīs neque eōrum sociīs injūriā bellum illātūrum, sī in eō manērent, quod convēnisset, stipendiumque quotannis penderent; sī id nōn fēcissent, longē eis frāternum nōmen populi Rōmāni āfutūrum. Quod sibi Caesar dēnūntiāret, sē Haeduōrum injūriās nōn neglētūrum, nēminem sēcum sine suā perniciē contendisse. Cum vellet, congregērētur; intellētūrum, quid invictī Germāni, exercitātissimī in armīs, quī inter annōs XIII tēctum nōn subissent, virtūte possent. 20

*Fresh complaints of German aggression.*

37. Haec eōdem tempore Caesarī mandāta referēbantur, et lēgātī ab Haeduīs et ā Trēverīs veniēbant: Haeduī questum, quod Harūdēs, quī nūper in Galliam transportātī essent, finēs eōrum populārentur; sēs nē obsidibus quidem datīs pācem Ariovistī redimere potuisse;

Tréveri autem, págos centum Suébórum ad ripás Rhēni cōnsēdisse, quí Rhēnum trānsire cōnārentur; hīs praeesse Nasuam et Cimberium frātrēs. Quibus rēbus Caesar vehementer commōtus mātūrandum sibi exIstimāvit, nē,  
 5 sī nova manus Suébórum cum veteribus cōpiīs Ariovisti sēsē conjūnxisset, minus facile resisti posset. Itaque rē frūmentāriā, quam celerrimē potuit, comparātā, māgnis itineribus ad Ariovistum contendit.

*Importance of Vesontio as a military base. Its situation.*

38. Cum trīduī viam prōcessisset, nūntiātum est ei,  
 10 Ariovistum cum suis omnibus cōpiīs ad occupandum Vesontiōnem, quod est oppidum māximum Sēquanōrum, contendere, trīduīque viam ā suis finibus prōcessisse. Id nē accideret, māgnopere sibi praecavendum Caesar existimābat. Namque omnium rerum, quae ad bellum usui  
 15 erant, summa erat in eō oppidō facultās, idque naturā loci sic muniēbatur, ut māgnam ad dūcendum bellum daret facultātem, propterea quod flūmen Dubis ut circinō circumductū paene tōtum oppidum cingit; reliquum spatium, quod est nōn amplius pedum mille sexcentōrum,  
 20 quā flūmen intermittit, mōns continet māgnā altitūdine, ita, ut radicēs montis ex utrāque parte ripae flūminis contingant. Hunc mūrus circumdatus arcem efficit et cum oppidō conjungit. Hūc Caesar māgnis nocturnis diurnisque itineribus contendit occupātōque oppidō ibi praesidium collocat.  
 25

*Panic seizes the Roman army.*

39. Dum paucōs diēs ad Vesontiōnem rei frūmentāriae commeātūque causā morātur, ex percontātiōne nostrōrum vōcibusque Gallōrum ac mercātōrum, quí ingenti māgnitudine corporum Germānōs, incredibili virtūte atque ex-



exercitātiōe in armīs esse praedicābant (saepenumērō sēsē cum hīs congressōs nē vultum quidem atque aciem oculōrum dicēbant ferre potuisse), tantus subitō timor omnem exercitum occupāvit, ut nōn mediocriter omnium mentēs animōsque perturbāret. Hīc prīmum ortus est ā tribūnīs militum, praefectīs reliquisque, quī ex urbe amicitiae causā Caesarem secūtī nōn māgnū in rē militārī ūsum habēbant; quōrum alius aliā causā illātā, quam sibi ad proficiscendum necessariam esse diceret, petēbat, ut ējus voluntāte discēdere liceret; nōnnūllī pudōre adductī, ut 10 timōris suspiciōnem vitarent, remanēbant. Hī neque vultum fingere neque interdum lacrimās tenēre poterant; abditī in tabernāculīs aut suum fātum querēbantur aut cum familiāribus suis commūne pericūlum miserābantur. Vulgō tōtīs castrīs testāmenta obsignābantur. Hōrum 15 vōcibus ac timōre paulātim etiam eī, quī māgnū in castrīs ūsum habēbant, militēs centuriōēsque, quīque equitātui praeerant, perturbābantur. Quī sē ex hīs minus timidōs existimārī volēbant, nōn sē hostem verērī, sed angustias itineris et māgnitudinem silvārum, quae inter- 20 cēderent inter ipsōs atque Ariovistum, aut rem frūmentāriam, ut satis commodē supportārī posset, timōre dicēbant. Nōnnūllī etiam Caesarī nūntiābant, cum castra movērī ac signa ferri iussisset, nōn fore dictō audientēs militēs neque propter timōrem signa lātūrōs.

25

*Caesar rebukes the timidity of his troops. Their courage is restored.*

40. Haec cum animadvertisset, convocātō cōnsiliō omniumque ōrdinum ad id cōnsilium adhibitis centuriōibus, vehementer eōs incūsāvit: prīmum, quod, aut quam in partem aut quō cōnsiliō dūcerentur, sibi quaerendum

aut cōgitandum putārent. Ariovistum sē cōsule cupi-  
dissimē populi Rōmāni amicitiam appetisse; cūr hunc  
tam temere quisquam ab officiō discessūrum iudicaret?  
Sibi quidem persuādēri, cognitis suis postulātis atque  
5 aequitate condiciōnum perspectā, eum neque suam neque  
populi Rōmāni grātiā repudiātūrum. Quod si furōre  
atque āmentia impulsus bellum intulisset, quid tandem  
verērentur? aut cūr dē suā virtūte aut dē ipsius diligen-  
tia dēspērārent? Factum ējus hostis periculum patrum  
10 nostrōrum memoriā, cum Cimbris et Teutonīs .ā Gāio  
Mariō pulsīs nōn minōrem laudem exercitus quam ipse  
imperātor meritis vidēbātur; factum etiam nūper in  
Italiā servili tumultū, quōs tamen aliquid ūsus ac disci-  
plina, quae ā nobīs accēpissent, sublevārent. Ex quō  
15 iudicārī posse, quantum habēret in sē boni cōstantia,  
propterea quod, quōs aliquamdiū inermēs sine causā  
timuissent, hōs postea armātōs ac victōrēs superāssent.  
Dēnique hōs esse eōdem Germānōs, quibuscum saepe-  
numerō Helvētiī congressi nōn solum in suis, sed etiam  
20 in illōrum finibus, plērumque superāssent, qui tamen  
parēs esse nostrō exercitui nōn potuerint. Si quōs adver-  
sum proelium et fuga Gallōrum commovēret, hōs, si quae-  
rerent, reperire posse, diūturnitate belli dēfatigātis Gallis,  
Ariovistum, cum multōs mēnsēs castris sē ac palūdibus  
25 tenuisset neque sui potestātem fēcisset, dēspērāntēs jam  
dē pūgnā et dispersōs subitō adortum, magis ratiōne et  
cōnsiliō quam virtūte vicisse. Cui ratiōni contrā hominēs  
barbarōs atque imperitōs locus fuisset, hāc nē ipsum qui-  
dem spērāre nostrōs exercitūs capi posse.

30 Qui suum timōrem in rei frūmentariae simulatiōnem  
angustiāsque itineris cōferrent, facere arroganter, cum  
aut dē officiō imperātōris dēspērāre aut praescribere vidē-

rentur. Haec sibi esse cūrae; frūmentum Sēquanōs, Leucōs, Lingonēs sumministrāre, jamque esse in agrīs frūmenta mātūra; dē itinere ipsōs brevī tempore jūdīcātūrōs.

Quod nōn fore dictō audientēs neque signa lātūrī dicantur, nihil sē eā rē commovērī; scīre enim, quibuscumque exercitus dictō audiēns nōn fuerit, aut male rē gestā fortunā dēfuisse, aut aliquō facinore compertō avāritiam esse convictā; suam innocentiam perpetuā vitā, fēlicitatem Helvētiōrum bellō esse perspectam. 5 10

Itaque sē, quod in longiōrem diem collātūrus fuisset, repraesentātūrum et proximā nocte dē quārtā vigiliā castra mōtūrum, ut quam primum intellegere posset, utrum apud eōs pudor atque officium an timor plūs valēret. Quod sī praeterea nēmō sequātur, tamen sē 15 cum solā decimā legiōne itūrum, dē quā nōn dubitāret, sibiue eam praetōriam cohortem futūram. Huic legiōni Caesar et indulserat praecipuē et propter virtūtem cōfīdēbat māximā.

41. Hāc orātiōne habitā mirum in modum conversae 20 sunt omnium mentēs, summaque alacritās et cupiditās belli gerendī innāta est, princepsque decima legiō per tribūnōs militum ei grātiās ēgit, quod dē sē optimum jūdicium fēcisset, sēque esse ad bellum gerendum paratissimam cōfirmāvit. Deinde reliquae legiōnēs cum 25 tribūnīs militum et primōrum ordinum centuriōnibus ēgērunt, uti Caesari satis facerent; sē neque umquam dubitāsse neque timuisse, neque dē summā belli suum jūdicium, sed imperātōris esse existimāvisse. Eōrum satisfactiōne acceptā et itinere exquisitō per Divitiācum, 30 quod ex Gallis ei māximam fidem habēbat, ut milium amplius quinquāgintā circuitū locis apertis exercitum

dūceret, dē quārtā vigiliā, ut dīxerat, profectus est. Septimō diē, cum iter nōn intermitteret, ab explorātōribus certior factus est, Ariovistī cōpiās ā nostrīs milibus passuum quattuor et xx abesse.

*Ariovistus at length proposes a conference.*

5    42. Cognitō Caesaris adventū Ariovistus lēgātōs ad eum mittit: Quod antea dē colloquiō postulāasset, id per sē fierī licēre, quoniam propius accessisset sēque id sine periculō facere posse existimāret. Nōn respuit condi-  
 10    cionem Caesar, jamque eum ad sānitātem revertī arbitrābātur, cum id, quod antea petentī dēnegāasset, ultrō pollicērētur, māgnamque in spem veniēbat, prō suis tantis populiq̄e Rōmānī in eum beneficiis, cognitīs suis postu-  
 15    lātis, fore, utī pertināciā dēsisteret.

Diēs colloquiō dictus est, ex eō diē quīntus. Interim  
 15    saepe cum lēgātī ultrō citrōque inter eōs mitterentur, Ariovistus postulāvit, nē quem peditem ad colloquium Caesar addūceret: Verērī sē, nē per insidiās ab eō circumvenīrētur; uterque cum equitātū venīret; aliā rati-  
 20    one sēsē nōn esse ventūrum. Caesar, quod neque colloquium interpositā causā tollī volēbat neque salutem suam Gallōrum equitātū committere audēbat, commo-  
 25    dissimum esse statuit, omnibus equīs Gallīs equitibus detrāctis, eō legiōnāriōs militēs legiōnis decimae, cui quam māximē cōfidēbat, impōnere, ut praesidium quam  
 30    amiccissimum, sī quid opus factō esset, habēret. Quod cum fieret, nōn irrīdiculē quīdam ex militibus decimae legiōnis dīxit: Plūs, quam pollicitus esset, Caesarem facere; pollicitum, sē in cohortis praetōriāe locō deci-  
 35    mam legiōnem habitūrum, ad equum rescribere.

*Caesar insists that Ariovistus shall cease his oppression of the Haedui.*

43. Plānitiēs erat māgna et in eā tumulus terrēnus satis grandis. Hic locus aequō ferē spatiō ā castris utriusque aberat. Eō, ut erat dictum, ad colloquium vērunt. Legiōnem Caesar, quam equis dēvexerat, passibus ducentis ab eō tumulō cōstituit. Item equitēs 5 Ariovisti parī intervāllō cōstitērunt. Ariovistus, ex equis ut colloquerentur et praeter sē dēnōs ut ad colloquium addūcerent, postulāvit.

Ubi eō ventum est, Caesar initiō orātiōnis sua senātusque in eum beneficia commemorāvit, quod rēx appellātus 10 esset ā senātū, quod amīcus, quod mūnera amplissimē missa; quam rem et paucis contigisse et ā Rōmānis prō māgnis hominum officiis cōsuēsse tribui docēbat; illum, cum neque aditum neque causam postulandī iustam habēret, beneficiō ac liberalitāte suā ac senātus ea prae- 15 mia cōsecūtum. Docēbat etiam, quam veterēs quamque iustae causae necessitudinis ipsīs cum Haeduīs intercēderent, quae senātus cōsulta, quotiēns, quamque honorifica in eōs facta essent, ut omni tempore tōtius Galliae principātum Haeduī tenuissent, prius etiam quam nos- 20 tram amicitiam appetissent. Populi Rōmāni hanc esse cōsuetudinē, ut sociōs atque amīcōs nōn modo sui nihil dēperdere, sed grātiā, dignitāte, honōre auctiōrēs vellet esse; quod vērō ad amicitiam populi Rōmāni attulissent, id eis eripi quis pati posset? Postulāvit 25 deinde eadem, quae lēgātis in mandātis dederat: nē aut Haeduīs aut eōrum sociis bellum inferret; obsidēs redderet; si nūllam partem Germānōrum domum remittere posset, at nē quōs amplius Rhēnum trānsire paterētur.

*Ariovistus claims prior rights in Gaul. He demands that Caesar withdraw.*

44. Ariovistus ad postulata Caesaris pauca respondit, de suis virtutibus multa praedicavit: Transisse Rhenum sese non sua sponte, sed rogatum et accessitum a Gallis; non sine magna spe magnisque praemiis domum pro-
- 5 pinquosque reliquisse; sedes habere in Gallia ab ipsis concessas, obsides ipsorum voluntate datos; stipendium capere jure belli, quod victores victis imponere consue-
- 10 rint. Non sese Gallis, sed Gallios sibi bellum intulisse; omnes Galliae civitates ad se oppugnandum venire ac
- 15 contra se castra habuisse; eas omnes copias a se uno proelio pulsas ac superatas esse. Si iterum experiri velint, se iterum paratum esse decertare; si pace uti velint, iniquum esse de stipendio recusare, quod sua voluntate ad id tempus pependerit. Amicitiam populi
- 20 Romani sibi ornamento et praesidio, non detrimento esse oportere, atque se hac spe petisse. Si per populum Romanum stipendium remittatur et deditici subtrahantur, non minus libenter sese recusaturum populi Romani amicitiam quam appetierit.
- 25 Quod multitudinem Germanorum in Galliam traducat, id se sui muniendi, non Galliae impugnandae causa facere; ejus rei testimonium esse, quod nisi rogatus non venerit, et quod bellum non intulerit, sed defenderit. Se prius in Galliam venire quam populum Romanum.
- 30 Numquam ante hoc tempus exercitum populi Romani Galliae provinciae finibus egressum. Quid sibi vellet? Cur in suas possessiones veniret? Provinciam suam hanc esse Galliam, sicut illam nostram. Ut ipsi concedi non oporteret, si in nostros fines impetum faceret, sic item
- 35 nos esse iniquos, quod in suo jure se interpellaremus.

Quod frātrēs ā senātū Haeduōs appellātōs diceret, nōn sē tam barbarum neque tam imperitū esse rērum, ut nōn sciret, neque bellō Allobrogum proximō Haeduōs Rōmānīs auxilium tulisse, neque ipsōs in hīs contentiōnibus, quās Haeduī sēcum et cum Sēquanīs habuissent, ā auxiliō populī Rōmānī ūsōs esse.

Dēbere sē suspicārī, simulātā Caesarem amicitia, quod exercitum in Galliā habeat, sui opprimendī causā habēre. Qui nisi dēcedat atque exercitum dēducāt ex hīs regiōnibus, sēsē illum nōn prō amīcō, sed prō hoste habitū-  
rum. Quod si eum interfēcerit, multis sēsē nōbilibus  
prīncipibusque populī Rōmānī grātum esse factūrum  
(id sē ab ipsis per eōrum nūntiōs compertum habēre),  
quōrum omnium grātiā atque amicitia ejus morte  
redimere posset. Quod si dēcessisset et liberam posses-  
siōnem Galliae sibi trādidisset, māgnō sē illum praemiō  
remūnerātūrum et, quaecumque bella gerī vellet, sine  
ullō ejus labōre et periculō cōfectūrum.

*Caesar gives his reasons for refusing.*

45. Multa ā Caesare in eam sententiam dicta sunt, quārē negōtiō dēsistere nōn posset: Neque suam neque  
populī Rōmānī cōnsuetūdinem patī, utī optimē merentēs  
sociōs dēsereret, neque sē iudicāre, Galliam potius esse  
Ariovistī quam populī Rōmānī. Bellō superātōs esse  
Arvernōs et Rutēnōs ab Quīntō Fabio Māximō, quibus  
populus Rōmānus ignōvisset neque in prōvinciam re-  
dēgisset neque stipendium imposuisset. Quod si anti-  
quissimum quodque tempus spectārī oportēret, populī  
Rōmānī iustissimum esse in Galliā imperium; si iudi-  
cium senātūs observārī oportēret, liberam dēbere esse  
Galliam, quam bellō victā suis lēgibus utī voluisset.

*The conference is broken up by the treachery of Ariovistus's attendants.*

46. Dum haec in colloquiō geruntur, Caesarī nūntiātum est, equitēs Ariovistī propius tumultum accēdere et ad nostrōs adequitāre, lapidēs tēlaque in nostrōs conicere. Caesar loquendī finem fecit sēque ad suōs recēpit suisque  
 5 imperāvit, nē quod omnīnō tēlum in hostēs rēicerent. Nam etsi sine ullō periculō legiōnis dēlēctae cum equitātū proelium fore vidēbat, tamen committendum nōn putābat, ut pulsīs hostibus dicī posset, eōs ab sē per fidem in colloquiō circumventōs. Posteaquam in vulgus  
 10 militum elātum est, quā arrogantīā in colloquiō Ariovistus ūsus omni Galliā Rōmānīs interdixisset, impetumque ut in nostrōs ejus equitēs fēcissent, eaque rēs colloquium ut dirēmisset, multō māior alacritās studiumque pūgnandī mājus exercituī injectum est.

*Caesar refuses a second conference, but sends envoys.*

15 47. Bidū post Ariovistus ad Caesarem lēgātōs mīsit: Velle sē dē hīs rēbus, quae inter eōs agī coeptae neque perfectae essent, agere cum eō; utī aut iterum colloquiō diem cōstitueret aut, si id minus vellet, ex suis lēgātīs aliquem ad sē mitteret.

20 Colloquendī Caesarī causa vīsa nōn est, et eō magis, quod pridī ejus diē Germānī retinērī nōn potuerant, quā in nostrōs tēla conicerent. Lēgātum ex suis sēsē magnō cum periculō ad eum missūrum et hominibus ferīs objectūrum existimābat. Commodissimum vīsum  
 25 est Gāium Valerium Procillum, C. Valerī Cabūrī filium, summā virtūte et hūmānitāte adulēscētem, cūjus pater ā Gāio Valeriō Flaccō cīvitātē dōnātus erat, et propter fidem et propter linguae Gallicae scientiam (quā multā



jam Ariovistus longinquā cōnsuetūdine ūtēbatur) et quod in eō peccandī Germānis causa nōn esset, ad eum mittere, et unā Mārcum Metium, quī hospitio Ariovisti ūtēbatur. His mandāvit, ut, quae diceret Ariovistus, cognōscerent et ad sē referrent. Quōs cum apud sē in castris Ariovistus cōspexisset, exercitū suō praesente conclāmāvit: Quid ad sē venīrent? an speculandī causā? Cōnantēs dicere prohibuit et in catēnās conjēcit.

*Ariovistus plans to cut off Caesar's supplies. Cavalry practice of the Germans.*

48. Eōdem diē castra prōmōvit et milibus passuum sex ā Caesaris castris sub monte cōsēdit. Postridiē ejus 10 diēi praeter castra Caesaris suās cōpiās trādūxit et milibus passuum duōbus ultrā eum castra fēcit eō cōnsilio, uti frūmentō commeātūque, quī ex Sēquanīs et Haeduīs supportārētur, Caesarem interclūderet. Ex eō diē diēs continuōs quīnque Caesar prō castris suās cōpiās prō- 15 dūxit et aciem instructam habuit, ut, si vellet Ariovistus proelio contendere, ei potestās nōn deesset.

Ariovistus his omnibus diebus exercitum castris continuit, equestri proelio cotidie contendit. Genus hoc erat pugnae quō sē Germāni exercuerant. Equitum 20 milia erant sex, totidem numero peditēs velocissimi ac fortissimi, quōs ex omni cōpiā singuli singulōs suae salutis causā dēlēgerant; cum his in proeliis versābantur. Ad eōs sē equitēs recipiebant; hi, si quid erat dūrius, concurrēbant; si quī, graviore vulnere 25 acceptō, equō dēciderat, circumsistēbant; si quō erat longius prōdeundum aut celerius recipiendum, tanta erat hōrum exercitātiōne celeritās, ut jubīs equōrum sublevāti cursum adaequārent.

*Caesar marches past the Germans. He fortifies a second camp.*

49. Ubi eum castris sē tenēre Caesar intellēxit, nē diūtius commeātū prohibērētur, ultrā eum locum, quō in locō Germānī cōnsēderant, circiter passūs sexcentōs ab hīs, castris idōneum locum dēlēgit aciēque triplici instructā ad eum locum vēnit. Primam et secundam aciem in armīs esse, tertiam castra mūnīre jussit. Hic locus ab hoste circiter passūs sexcentōs, utī dictum est, aberat. Eō circiter hominum sēdecim milia expedita cum omni equitātū Ariovistus misit, quae cōpiae nostrōs terrērent et mūnitiōne prohibērent. Nihilō sētius Caesar, ut ante cōstituerat, duās aciēs hostem prōpulsāre, tertiam opus perficere jussit. Mūnītis castris duās ibi legiōnēs reliquit et partem auxiliōrum; quattuor reliquās in castra mājōra redūxit.

*The Germans are afraid to fight before the new moon, but engage with part of their troops.*

15 50. Proximō diē Institutō suō Caesar ē castris utrisque cōpiās suās edūxit paulumque ā mājōribus castris prōgressus aciem instrūxit, hostibusque pūgnandī potestātem fēcit. Ubi nē tum quidem eos prōdire intellēxit, circiter merīdiem exercitum in castra redūxit. Tum dēmum  
20 Ariovistus partem suārum cōpiārum, quae castra minōra oppūgnāret, misit. Acriter utrimque ūsque ad vesperum pūgnātum est. Sōlis occāsū suās cōpiās Ariovistus multīs et illātis et acceptis vulneribus in castra redūxit.

25 Cum ex captivīs quaereret Caesar, quam ob rem Ariovistus proeliō nōn dēcertāret, hanc reperiēbat causam, quod apud Germānōs ea cōsuētūdō esset, ut mātres familiae eōrum sortibus et vāticinatiōnibus dēclārarent,

utrum proelium committi ex usu esset necne; eas ita dicere, Non esse fas Germanos superare, si ante novam lunam proelio contendissent.

*The Romans and Germans fight a pitched battle.*

51. Postridie ejus diei Caesar praesidio utrisque castris, quod satis esse visum est, reliquit; omnes alarios in conspectu hostium pro castris minoribus constituit, quod minus multitudinem militum legionariorum pro hostium numero valebat, ut ad speciem alariis uteretur; ipse triplici instructa acie usque ad castra hostium accessit. Tum demum necessario Germani suas copias castris eduxerunt 10 generatimque constituerunt paribus intervallis, Harudes, Marcomannos, Tribocos, Vangiones, Nemetes, Sedusios, Suebos omnemque aciem suam raedis et carris circumdederunt, ne qua spes in fuga relinqueretur. Eo mulieres imposuerunt, quae ad proelium proficiscentes passis mani- 15 bus flentes implorabant, ne se in servitutem Romanis traderent.

52. Caesar singulis legionibus singulos legatos et quaestorem praefecit, uti eos testes suae quisque virtutis haberet; ipse a dextro cornu, quod eam partem minime 20 firmam hostium esse animadverterat, proelium commisit. Ita nostri acriter in hostes signo dato impetum fecerunt, itaque hostes repente celeriterque prouenerunt, ut spatium pila in hostes coniciendi non daretur. Reiectis pilis cominus gladiis pugnatum est. At Germani 25 celeriter ex consuetudine sua phalange facta impetus gladiatorum exceperunt. Reperti sunt complures nostri, qui in phalangem insilirent et scuta manibus revellerent et desuper vulnerarent. Cum hostium acies a sinistro cornu pulsa atque in fugam conjecta esset, a dextro 30

cornū vehementer multitudine suorum nostram aciem premēbant. Id cum animadvertisset Publius Crassus adulēscēns, quī equitātui praeerat, quod expeditior erat quam ei, quī inter aciem versābantur, tertiam aciem labō-  
 5 rantibus nostris subsidio misit.

*Defeat and rout of the Germans.*

53. Ita proelium restitutum est, atque omnes hostes terga vertērunt neque prius fugere dēstitērunt, quam ad flūmen Rhēnum, milia passuum ex eo loco circiter quinque, pervēnērunt. Ibi perpauci aut vīribus cōfisi  
 10 trānāre contendērunt aut lintribus inventis sibi salutem repperērunt. In his fuit Ariovistus, quī nāviculam dēligātā ad ripam nactus eā profūgit; reliquos omnes cōnsecūtī equites nostrī interfecērunt.

Duae fuērunt Ariovisti uxōrēs, ūna Suēba nātiōne,  
 15 quam domo sēcum dūxerat, altera Nōrica, rēgis Vocciōnis soror, quam in Galliā dūxerat, ā fratre missam; utraque in eā fugā periit. Duae filiae hārum altera occisa, altera capta est.

C. Valerius Procillus, cum ā cūstōdibus in fugā trīnis  
 20 catēnis vinctus traherētur, in ipsum Caesarem hostis equitātū insequentem incidit. Quae quidem res Caesarī nōn minōrem quam ipsa victōria voluptātem attulit, quod hominem honestissimum prōvinciae Galliae, suum familiārem et hospitem, ereptum ē manibus hostium, sibi  
 25 restitutum vidēbat, neque ejus calamitāte dē tantā voluptāte et grātulātiōne quicquam fortūna dēminuerat. Hic sē praesente dē sē ter sortibus cōsultum dicēbat, utrum ignī statim necārētur an in aliud tempus reservārētur; sortium beneficiō sē esse incolumem. Item M.  
 30 Metius repertus et ad eum reductus est.

*Caesar places his troops in winter quarters. He himself sets out for cisalpine Gaul.*

54. Hōc proeliō trāns Rhēnum nūntiātō Suēbī, quī ad rīpās Rhēnī vēnerant, domum revertī coepērunt; quōs, Ubiī quī proximī Rhēnum incolunt, perterritōs īnsecūtī māgnūm ex hīs numerum occidērunt.

Caesar, ūnā aestāte duōbus māximīs bellīs cōfectīs, 5 mātūrius paulō, quam tempus annī postulābat, in hiberna in Sēquanōs exercitū dēdūxit; hibernīs Labiēnum prae-posuit; ipse in citeriōrem Galliam ad conventūs agendōs profectus est.

## BOOK II.

### CHAPTERS 1-28. — WAR AGAINST THE BELGIAN CONFEDERACY

#### *League of the Belgians against Caesar.*

1. CUM esset Caesar in citeriōre Galliā, ita utī suprā  
dēmōnstrāvimus, crēbrī ad eum rŭmōrēs afferēbantur, lit-  
terisque item Labiēnī certior fiēbat, omnēs Belgās, quam  
tertiam esse Galliae partem dixerāmus, contrā populum  
5 Rōmānum conjūrāre obsidēsque inter sē dare. Conjū-  
randī hās esse causās: primum, quod verērentur, nē omni  
pācātā Galliā ad eōs exercitus noster addūcerētur; deinde,  
quod ab nōnnūllīs Gallīs sollicitārentur, partim quī, ut  
Germānōs diūtius in Galliā versārī nōluerant, ita populī  
10 Rōmānī exercitum hiemāre atque inveterāscere in Galliā  
molestē ferēbant, partim quī mōbilitāte et levitāte animī  
novīs imperiīs studēbant; ab nōnnūllīs etiam, quod in  
Galliā ā potentiōribus atque eis, quī ad condūcendōs homi-  
nēs facultātēs habēbant, vulgō rēgna occupābantur, quī  
15 minus facile eam rem imperiō nostrō cōsequī poterant.

#### *Caesar advances to meet the crisis.*

2. Hīs nūntiīs litterisque commōtus Caesar duās legi-  
ōnēs in citeriōre Galliā novās cōscripsit et initā aestāte,  
in ulteriōrem Galliam quī dēdūceret, Quīntum Pedium  
lēgātum misit. Ipse, cum primum pābuli cōpia esse in-  
20 ciperet, ad exercitum vēnit. Dat negotium Senonibus  
reliquisque Gallīs, quī finitimī Belgīs erant, utī ea, quae

apud eos gerantur, cognoscant seque de his rebus certiorum faciant. Hi constanter omnes nuntiaverunt, manus cogit, exercitum in unum locum conducit. Tum vero dubitandum non existimavit, quin ad eos proficisceretur. Res frumentaria comparata castra movet diebusque circiter 5 quindecim ad fines Belgarum pervenit.

*The Remi espouse the Roman cause.*

3. Eo cum de improviso celeriusque omni opinione venisset, Remi, qui proximi Galliae ex Belgis sunt, ad eum legatos Iccium et Andecumborium, primos civitatis, miserunt, qui dicerent, se suaeque omnia in fidem atque 10 in potestatem populi Romani permittere, neque se cum Belgis reliquis consensisse neque contra populum Romanum omnino conjurasse, paratosque esse et obsides dare et imperata facere et oppidis recipere et frumento ceterisque rebus juvare; reliquos omnes Belgas in armis 15 esse, Germanosque qui cis Rhenum incolant, sese cum his conjunxisse, tantumque esse eorum omnium furorem, ut ne Suessiones quidem, fratres consanguineosque suos, qui eodem jure et isdem legibus utantur, unum imperium unumque magistratum cum ipsis habeant, deterreere poterint, quin cum his consentirent. 20

*Fighting strength of the Belgian tribes.*

4. Cum ab his quaereret, quae civitates quantaeque in armis essent et quid in bello possent, sic reperiēbat: Plerosque Belgas esse ortos a Germanis Rhenumque antiquitus traductos propter loci fertilitatem ibi consedis, 25 Gallosque, qui ea loca incolerent, expulisse, solosque esse, qui patrum nostrorum memoriam omni Gallia vexata Teutonos Cimbrisque intra suos fines ingredi prohibuerint;

quā ex rē fierī, utī eārum rērum memoriā māgnam sibi auctōritātem māgnōsque spīritūs in rē militārī sūmerent.

Dē numerō eōrum omnia sē habēre explorāta Rēmī dicebant, propterea quod, propinquitatibus affinitatibusque conjunctī, quantam quisque multitudinem in commūnī Belgārum conciliō ad id bellum pollicitus sit, cognōverint. Plūrimum inter eōs Bellovacōs et virtūte et auctōritāte et hominum numerō valēre; hōs posse cōficere armāta mīlia centum, pollicitōs ex eō numerō elēcta mīlia sexāgintā, tōtiusque bellī imperium sibi postulāre. Suessionēs suōs esse finitimōs; finēs lātissimōs ferācissimōsque agrōs possidēre. Apud eōs fuisse rēgem nostrā etiam memoriā Dīvitiācum, tōtius Galliae potentissimum, quī cum māgnae partis hārum regiōnum, tum etiam Britanniae imperium obtinuerit; nunc esse rēgem Galbam; ad hunc propter iūstitiam prūdentiamque summam tōtius bellī omnium voluntāte dēferri; oppida habēre numerō XII, pollicērī mīlia armāta quinquāgintā; totidem Nervīōs, quī māximē ferī inter ipsōs habeantur longissimēque absint; quīndecim mīlia Atrebātēs, Ambianōs decem mīlia, Morinōs xxv mīlia, Menapiōs vii mīlia, Caletōs x mīlia, Velicassēs et Viromanduōs totidem, Aduatucōs decem et novem mīlia; Condrūsōs, Eburōnēs, Caerōsōs, Paemānōs, quī ūnō nōmine Germānī appellantur, arbitrārī ad xl mīlia.

*Caesar takes up a position on the Axona.*

5. Caesar Rēmōs cohortātus liberāliterque orātiōne prōsecūtus omnem senātum ad sē convenīre prīncipumque liberōs obsidēs ad sē addūcī iussit. Quae omnia ab hīs diligenter ad diem facta sunt. Ipse Dīvitiācum Haeduum māgnopere cohortātus docet, quantō opere rei publicae



communisque salutis intersit, manus hostium distinēri, nē cum tantā multitudīne unō tempore cōfligendum sit. Id fieri posse, si suās cōpiās Haedui in finēs Bellovacōrum intrōdūxerint et eōrum agrōs populārī coeperint. His datīs mandātīs eum ab sē dīmittit. 5

Postquam omnēs Belgārum cōpiās in unum locum co-actās ad sē venīre vidit, neque jam longē abesse, ab eis, quōs miserat, explorātōribus et ab Rēmīs cognōvit, flūmēn Axonam, quod est in extrēmīs Rēmōrum finibus, exercitum trādūcere mātūrāvit atque ibi castra posuit. Quae 10 rēs et latus unum castrōrum ripīs flūminis mūniēbat et, post eum quae erant, tūta ab hostibus reddēbat et, comēātūs ab Rēmīs reliquīsque civitātibus ut sine periculō ad eum portārī possent, efficiēbat. In eō flūmine pōns erat. Ibi praesidium pōnit et in alterā parte flūminis 15 Quīntum Titūrium Sabīnum lēgātum cum sex cohortibus relinquit; castra in altitudinem pedum duodecim vāllō fossāque duodēviginti pedum mūnīri jubet.

*Bibrax, a town of the Remi, attacked by the Belgae.*

6. Ab hīs castrīs oppidum Rēmōrum nōmine Bibrax aberat mīlia passuum octō. Id ex itinere māgnō impetū 20 Belgae oppūgnāre coepērunt. Aegrē eō diē sustentātum est. Gallōrum eadem atque Belgārum oppūgnātiō est haec. Ubi, circumjectā multitudīne hominum tōtis moenibus, undique in mūrūm lapidēs jacī coepti sunt mūrusque dēfēnsōribus nūdātus est, testūdine factā portās succen- 25 dunt mūrūmque subruunt. Quod tum facile frēbat. Nam cum tanta multitudō lapidēs ac tēla conicerent, in mūrō cōsistendī potestās erat nullī. Cum finem oppūgnandi nox fēcisset, Iccius Rēmus, summā nobilitāte et grātiā inter suōs, quī tum oppidō praefuerat, unus ex eis, quī 30

lĕgātī dē pāce ad Caesarem vĕnerant, nŭntium ad eum mittit, nisi subsidium sibi summittātur, sēsē diŭtius sustinĕre nōn posse.

*The Belgae abandon the assault on Bibrax.*

7. Eō dē mediā nocte Caesar isdem ducibus ūsus, qui  
 5 nŭntiī ab Iccīō vĕnerant, Numidās et Crĕtas sagittāriōs et  
 funditōrēs Baleārēs subsidiō oppidānis mittit; quōrum ad-  
 ventū et Rēmīs cum spē dēfēnsiōnis studium prōpugnandī  
 accessit, et hostibus eādē dē causā spēs potiundī oppidī  
 discessit. Itaque paulisper apud oppidum morātī agrōs-  
 10 que Rēmōrum dēpopulātī, omnibus vicīs aedificiisque,  
 quō adire potuerant, incēnsis, ad castra Caesaris omnibus  
 cōpiīs contendērunt et ā milibus passuum minus duōbus  
 castra posuērunt; quae castra, ut fŭmō atque ignibus  
 significābātur, amplius milibus passuum octō in lātitudī-  
 15 dinem patēbant.

*Caesar prepares for an engagement.*

8. Caesar primō et propter multitudinem hostium et  
 propter eximiam opīniōnem virtūtis proeliō supersedĕre  
 statuit; cotīdiē tamen equestribus proeliīs, quid hostis  
 virtūte posset et quid nostrī audĕrent, periclitābātur.  
 20 Ubi nostrōs nōn esse inferiōrēs intellēxit, locō prō castrīs  
 ad aciem Instruendam nātūrā opportunō atque idōneō,  
 quod is collis, ubi castra posita erant, paululum ex plāni-  
 tiē ēditus tantum adversus in lātitudinem patēbat, quan-  
 tum locī aciēs Instrūcta occupāre poterat, atque ex utrā-  
 25 que parte lateris dējectūs habēbat et in frontem lēniter  
 fastīgātus paulātim ad plānitiem redībat, ab utrōque  
 latere ējus collis trānsversam fossam obdūxit circiter  
 passuum quadringentōrum et ad extrēmās fossās castella

cōstituit ibique tormenta collocāvit, nē, cum aciem instrūxisset, hostēs, quod tantum multitudine poterant, ab lateribus pūgnantēs suōs circumvenire possent. Hōc factō duābus legiōnibus, quās proximē cōscripserat, in castris relictis, ut, si quō opus esset, subsidiō dūci possent, reliquās sex legiōnēs prō castris in acie cōstituit. Hostēs item suās cōpiās ex castris ēductās instrūxerant.

*The Belgae attempt to cut off Caesar's supplies.*

9. Palūs erat nōn māgna inter nostrum atque hostium exercitum. Hanc si nostrī trānsīrent, hostēs exspectā-  
bant; nostrī autem, si ab illis initium trānseundi fieret,  
ut impeditōs aggredierentur, parātī in armis erant. Inter-  
rim proeliō equestri inter duās acies contendebātur. Ubi  
neutrī trānseundi initium faciunt, secundiore equitum  
proeliō nostris, Caesar suōs in castra redūxit. Hostēs  
prōtinus ex eō locō ad flūmen Axonam contendērunt, quod  
esse post nostra castra dēmōnstrātum est. Ibi vadis re-  
pertis partem suārum cōpiārum trādūcere cōnāti sunt,  
eō cōnsiliō, ut, si possent, castellum, cui praeerat Quintus  
Titūrius lēgātus, expūgnārent pontemque interscinde-  
rent; si minus potuissent, agrōs Rēmōrum populārentur,  
quī māgnō nobīs ūsu ad bellum gerendum erant, commēā-  
tūque nostrōs prohibērent.

*The Belgae are defeated and disperse to their homes  
with further losses.*

10. Caesar certior factus ab Titūriō, omnem equitā-  
tum et levis armātūrae Numidās, funditōrēs sagittāriōs-  
que ponte trādūcit atque ad eōs contendit. Acriter in eō  
locō pūgnātum est. Hostēs impeditōs nostrī in flūmine

aggressi magnū eōrum numerum occiderunt; per eōrum corpora reliquos audacissimē transire cōnantes multitudine telōrum reppulerunt; primos, qui transierant, equitātū circumventos interfecerunt.

- 5 Hostēs, ubi et de expugnandō oppidō et de flūmine transeundō spem se fefellisse intellēxerunt neque nostrōs in locum iniquiorem progredi pugnandī causā viderunt, atque ipsos res frumentaria deficere coepit, cōsiliō convocātō cōstituērunt, optimum esse, domum suam quem-  
10 que revertī, et, quōrum in finēs primum Rōmāni exercitum intrōdūxissent, ad eos defendendos undique convenirent, ut potius in suis quam in aliēnis finibus decertarent et domesticis copiis rei frumentariae uterentur. Ad eam sententiam cum reliquis causis haec quo-  
15 que ratio eos deduxit, quod Divitiacum atque Haeduos finibus Bellovacōrum appropinquare cognoverant. His persuaderi, ut diutius morarentur neque suis auxilium ferrent, nōn poterat.

11. Eā re cōstitutā, secundā vigiliā magnō cum stre-  
20 pitū ac tumultū castris egressi nullō certō ordine neque imperiō, cum sibi quisque primum itineris locum peteret et domum pervenire properāret, fecerunt, ut cōsimilis fugae profectiō videretur. Hāc re statim Caesar per speculātōres cognitā, insidiās veritus, quod, quā de causā  
25 discēderent, nondum perspexerat, exercitum equitātum-que castris continuit. Primā luce cōfirmatā re ab explorātōribus, omnem equitātum, qui novissimum agmen morāretur, praemisit.

- His Quintum Pedium et Lucium Aurunculium Cottam  
30 lēgātōs praefecit; Titum Labienum lēgātum cum legionibus tribus subsequi iussit. Hi novissimos adorti et multa milia passuum prosecuti magnam multitudinem

eōrum fugientium conciderunt, cum ab extrēmō agmine, ad quōs ventum erat, cōsisterent fortiterque impetum nostrōrum militum sustinērent, priōrēs, quod abesse ā periculō vidērentur neque ūllā necessitate neque imperiō continērentur, exaudītō clāmōre perturbātis ordinibus 5 omnēs in fugā sibi praesidium pōnerent. Ita sine ūllō periculō tantam eōrum multitudinem nostrī interfēcē-runt, quantum fuit diēi spatium; sub occāsum sōlis sequī dēstitērunt sēque in castra, ut erat imperātum, recēpērunt. 10

*Noviodunum surrenders.*

12. Postridiē ejus diēi Caesar, priusquam sē hostēs ex terrōre ac fugā reciperent, in finēs Suessiōnum, quī proximī Rēmīs erant, exercitum dūxit et māgnō itinere ad oppidum Noviodūnum contendit. Id ex itinere oppūgnāre cōnātus, quod vacuum ab dēfēnsōribus esse audiē- 15 bat, propter lātitudinem fossae mūrīque altitudinem, paucīs dēfendentibus, expūgnāre nōn potuit. Castrīs mūnītīs vineās agere, quaeque ad oppūgnandum ūsuī erant, comparāre coepit. Interim omnis ex fugā Suessiōnum multitūdō in oppidum proximā nocte convēnit. 20 Celeriter vineīs ad oppidum āctīs, aggere jactō turribusque cōstitūtīs, māgnitudine operum, quae neque viderant ante Galli neque audierant, et celeritate Rōmānōrum permōti lēgātōs ad Caesarem dē dēditione mittunt et, petentibus Rēmīs, ut cōservārentur, impetrant. 25

*Submission of the Bellovaci.*

13. Caesar obsidibus acceptīs primīs civitātis atque ipsius Galbae rēgis duobus filiis, armisque omnibus ex oppidō trāditīs, in dēditionem Suessiōnēs accēpit exerci-

tumque in Bellovacōs dūcit. Quī cum sē suaque omnia in oppidum Brātuspanium contulissent, atque ab eō oppidō Caesar cum exercitū circiter milia passuum quīnque abesset, omnēs mājōrēs nātū ex oppidō ēgressi  
 5 manūs ad Caesarem tendere et vōce significāre coepērunt, sēsē in ejus fidem ac potestātem venīre neque contrā populum Rōmānum armīs contendere. Item, cum ad oppidum accessisset castraque ibi pōneret, puerī mulierēsque ex mūrō passīs manibus suō mōre pācem ab  
 10 Rōmānīs petiērunt.

14. Prō hīs Dīvitiācus (nam post discessum Belgārum, dīmissis Haeduōrum cōpiīs, ad eum reverterat) facit verba: Bellovacōs omni tempore in fidē atque amicitia civitātis Haeduae fuisse; impulsōs ab suis principibus,  
 15 quī dicerent, Haeduōs ā Caesare in servitūtem redactōs omnēs indignitatēs contumeliāsque perferre, et ab Haeduīs dēfēcisse et populō Rōmānō bellum intulisse. Quī ejus cōsiliī principēs fuissent, quod intellexerent, quantam calamitātem civitāti intulissent, in Britanniam profūgis-  
 20 fuisse. Petere nōn solum Bellovacōs, sed etiam prō hīs Haeduōs, ut suā clēmētiā ac mānsuetūdine in eōs utātur. Quod sī fecerit, Haeduōrum auctōritātem apud omnēs Belgās amplificātūrum, quōrum auxiliis atque opibus, si qua bella inciderint, sustentāre cōsuērunt.

25 15. Caesar honōris Dīvitiāci atque Haeduōrum causā sēsē eōs in fidem receptūrum et cōservātūrum dixit; et quod erat civitās magnā inter Belgās auctōritāte atque hominum multitudine praestābat, sexcentōs obsidēs poposcit. Hīs trāditis omnibusque armīs ex oppidō collātis,  
 30 ab eō locō in finēs Ambiānōrum pervēnit; quī sē suaque omnia sine morā dēdidērunt.

*Description of the Nervii.*

Eōrum finēs Nervii attingēbant; quōrum dē nātūrā mōribusque Caesar cum quaereret, sic reperiēbat: Nullum aditum esse ad eōs mercātōribus; nihil pati vīnī reliquārumque rērum ad lūxuriā pertinentium inferri, quod hīs rēbus relanguēscere animōs et remitti virtutem exīstimārent; esse hominēs ferōs māgnaeque virtūtis; increpitāre atque incūsāre reliquōs Belgās, quī sē populō Rōmānō dēdidissent patriamque virtutem prōjēcissent; cōfirmāre, sēsē neque lēgātōs missūrōs neque ūllam condiciōnem pācis acceptūrōs. 5 10

*The Nervii and their allies plan to attack Caesar by surprise.*

16. Cum per eōrum finēs trīduum iter fēcisset, inve-niēbat ex captivīs, Sabim flūmen ā castris suis nōn am-plius milia passuum x abesse; trāns id flūmen omnēs Nervios cōnsēdisse adventumque ibi Rōmānōrum exspec-tāre ūnā cum Atrebātibus et Viromanduis, finitimis suis 15 (nam hīs utrisque persuāserant, utī eandem bellī fortūnam experirentur); expectārī etiam ab hīs Aduatucōrum cōpiās atque esse in itinere; mulierēs, quique per aetātem ad pūgnam inūtilēs vidērentur, in eum locum conjēcisse, quō propter palūdēs exercitui aditus nōn esset. 20

17. His rēbus cognitīs explōrātōrēs centuriōnēsque praemittit, quī locum idōneum castris dēligant. Cum ex dēditiciis Belgis reliquisque Gallis complūrēs Caesarem secūtī ūnā iter facerent, quīdam ex hīs, ut postea ex captivīs cognitum est, eōrum diērum cōnsuētūdine itineris 25 nostrī exercitūs perspectā, nocte ad Nervios pervēnerunt atque hīs dēmōstrārunt, inter singulās legiōnēs impedimētōrum māgnum numerum intercēdere, neque esse quicquam negōtī, cum prīma legiō in castra vēnisset

reliquaeque legiōnēs māgnū spatium abessent, hanc sub sarcinīs adorīrī; quā pulsā impedimentīsque direptīs futurum, ut reliquae contrā cōsistere nōn audērent.

- Adjuvābat etiam eōrum cōnsilium quī rem dēferēbant,  
 5 quod Nervī antīquitus, cum equitatū nihil possent (neque enim ad hōc tempus ei rei student, sed, quicquid possunt, pedestribus valent cōpiīs), quō facilius finitimōrum equitatum, sī praedandī causā ad eōs vēnissent, impedīrent, tenerīs arboribus incīsīs atque inflexīs crēbrisque in  
 10 lātitudinem rāmīs enātīs et rubīs sentibusque interjectīs effēcerant, ut instar mūrī hae saepēs mūnimentum praebērent, quō nōn modo nōn intrārī, sed nē perspicī quidem posset. Hīs rēbus cum iter agminis nostrī impedīrētur, nōn omittendum sibi cōnsilium Nervī exīstimāvērunt.

*Site of Caesar's camp on the Sabis.*

- 15 18. Locī nātūra erat haec, quem locum nostrī castrīs dēlēgerant. Collis ab summō aequālīter dēclīvis ad flūmen Sabim, quod suprā nōmināvimus, vergēbat. Ab eō flūmine parī acclīvitāte collis nāscēbātur adversus huic et contrārius, passūs circiter ducentōs infimus apertus, ab  
 20 superiōre parte silvestris, ut nōn facile intrōrsus perspicī posset. Intrā eās silvās hostēs in occultō sēsē continēbant; in apertō locō secundum flūmen paucae statīōnēs equitum vidēbantur. Flūminis erat altitūdō pedum circiter trium.

*The Belgae attack the camp.*

- 25 19. Caesar equitatū praemissō subsequēbātur omnibus cōpiīs; sed ratiō ordōque agminis aliter sē habēbat, ac Belgae ad Nervīos dētulerant. Nam quod hostibus appropinquābat, cōsuetūdine suā Caesar sex legiōnēs expeditās dūcēbat; post eās tōtius exercitūs impedīmenta



cōlocārat; inde duae legiōnēs, quae proximē cōscriptae erant, tōtum agmen claudēbant praesidiōque impedimētis erant. Equitēs nostrī cum funditōribus sagittāriisque flūmen trāsgressī cum hostium equitatū proelium commiserunt. Cum sē illi identidem in silvās ad suos recipe- 5 rent ac rūsus ex silvā in nostrōs impetum facerent neque nostrī longius, quam quem ad finem porrēcta loca aperta pertinebant, cēdentēs insequi auderent, interim legiōnēs sex, quae primae vēnerant, opere dīmēnsō castra mūnīre coepērunt. 10

Ubi prima impedimēta nostrī exercitūs ab eīs, quī in silvis abditī latēbant, vīsa sunt, quod tempus inter eōs committendī proeli convēnerat, ita ut intrā silvās aciem ordinēsque cōstituerant atque ipsī sēsē cōfirmāverant, subitō omnibus cōpiis prōvolāvērunt impetumque in nos- 15 trōs equitēs fecērunt. His facile pulsīs ac prōturbātis, incredibili celeritatē ad flūmen dēcucurrērunt, ut paene ūnō tempore et ad silvās et in flūmine et jam in manibus nostris hostēs vidērentur. Eādem autem celeritatē adversō colle ad nostra castra atque eōs, quī in opere 20 occupātī erant, contendērunt.

*The Romans are unprepared, but their discipline stands them in good stead.*

20. Caesarī omnia ūnō tempore erant agenda: vēxillum prōpōnendum, sīgnum tubā dandum, ab opere revocandi militēs, quī paulō longius aggeris petendī causā prōcesserant, arcessendī, aciēs instruenda, militēs cohortandi, sīgnum dandum. Quārum rērum māgnam partem temporis brevitās et incursus hostium impediēbat. His difficultātibus duae rēs erant subsidiō, scientia atque ūsus militum, quod superiōribus proeliis exercitātī, quid fieri

oporteret, nōn minus commodē ipsi sibi praescribere, quam ab aliis docēri poterant, et quod ab opere singulisque legionibus singulōs lēgātōs Caesar discēdere nisi mūnītis castris vetuerat. Hi propter propinquitatē et  
 5 celeritatē hostium nihil jam Caesaris imperium expectābant, sed per sē, quae vidēbantur, administrābant.

*Caesar hurries about, encouraging his troops.*

21. Caesar necessariis rebus imperātis ad cohortandōs milites, quam in partem fors obtulit, decucurrit et ad legionem decimam dēvenit. Milites nōn longiōre oratione  
 10 cohortātus, quam uti suae pristinae virtutis memoriam retinērent neu perturbārentur animō hostiumque impetum fortiter sustinērent, quod nōn longius hostēs aberant, quam quō telum adigi posset, proeli committendi signum dedit. Atque in alteram partem item cohortandi causā  
 15 profectus pūgnantibus occurrit. Temporis tanta fuit exiguitas hostiumque tam parātus ad dīmicandum animus, ut nōn modo ad insīgnia accommodanda, sed etiam ad galeās induendās scūtisque tegimenta dētrahenda tempus dēfuerit. Quam quisque ab opere in partem cāsū dēvenit  
 20 quaeque prima signa cōspexit, ad haec cōstitit, nē in quaerendis suis pūgnandi tempus dīmitteret.

*Fighting under difficulties.*

22. Instrūctō exercitū, magis ut loci nātūra dējectusque collis et necessitas temporis, quam ut rei militāris ratio atque ordo postulābat, cum diversae legionēs aliae  
 25 aliā in parte hostibus resisterent, saepibusque dēnsissimis, ut ante dēmōstrāvimus, interjectis prōspectus impedirētur, neque certa subsidia collocāri neque, quid in quaque parte opus esset, prōvidēri, neque ab unō omnia

imperia administrārī poterant. Itaque in tantā rērum inīquitāte fortūnae quoque ēventūs variī sequēbantur.

*Two legions on the left rout the Atrebates. Two in the centre rout the Viromandui. The remaining two are attacked by the Nervii.*

23. Legiōnis nōnae et decimae milītēs, ut in sinistrā parte aciē cōstitēbant, pilis ēmissis cursū ac lassitudine exanimātōs vulneribus cōfectōs Atrebātēs (nam his 5 ea pars obvenerat) celeriter ex locō superiōre in flūmen compulērunt et trānsire cōnantēs insecūtī gladiis māgnam partem eōrum impeditam interfēcērunt. Ipsī trānsire flūmen nōn dubitāvērunt et in locum inīquum prōgressī rūsus resistentēs hostēs redintegrātō proeliō in fugam 10 conjēcērunt. Item aliā in parte dīversae duae legiōnēs, undecima et octāva, prōfligātis Viromanduis, quibuscum erant congressī, ex locō superiōre, in ipsīs flūminis rīpīs proeliābantur. At tōtis ferē castris ā fronte et ā sinistrā parte nūdātis, cum in dextrō cornū legiō duodecima et nōn 15 māgnō ab eā intervāllō septima cōstitisset, omnēs Nervī cōnfertissimō agmine duce Boduognātō, quī summam imperī tenēbat, ad eum locum contendērunt; quōrum pars ab apertō latere legiōnēs circumvenīre, pars summum castrōrum locum petere coepit.

20

*The situation of the Romans becomes desperate.*

24. Eōdem tempore equitēs nostrī levisque armātūrae peditēs, quī cum eis unā fuerant, quōs primō hostium impetū pulsōs dixeram, cum sē in castra reciperent, adversis hostibus occurrēbant ac rūsus aliam in partem fugam petēbant, et cālōnēs, quī ā decumānā portā ac summō jugō 25 collis nostrōs victōrēs flūmen trānsisse cōspexerant, prae-

dandī causā ēgressī, cum respexissent et hostēs in nostrīs castrīs versārī vīdissent, praecipitēs fugae sēsē mandābant. Simul eōrum, qui cum impedimentīs veniebant, clāmor fremitusque oriēbātur, aliūque aliam in partem perterriti  
5 ferēbantur.

Quibus omnibus rēbus permōtī equitēs Trēverī, quōrum inter Gallōs virtūtis opīniō est singulāris, quī auxiliī causā ā civitate ad Caesarem missī vēnerant, cum multitudine hostium castra nostra complērī, legiōnēs premī et paene  
10 circumventās tenērī, cālōnēs, equitēs, funditōrēs, Numidās diversōs dissipātōsque in omnēs partēs fugere vīdissent, dēspērātīs nostrīs rēbus domum contendērunt; Rōmānōs pulsōs superātōsque, castrīs impedimentisque eōrum hostēs potītōs civitatī renūntiāvērunt.

*Caesar's heroic example saves the day.*

15 25. Caesar ab decimae legiōnis cohortātiōne ad dextrum cornū profectus, ubi suōs urgērī signisque in ūnum locum collātīs duodecimae legiōnis cōnfertōs militēs sibi ipsōs ad pūgnam esse impedimentō vīdit, quārtae cohortis omnibus centuriōnibus occīsīs, signiferō interfectō, signō  
20 āmissō, reliquārum cohortium omnibus ferē centuriōnibus aut vulnerātīs aut occīsīs, in hīs prīmipilō P. Sextiō Baculō, fortissimō virō, multis gravibusque vulneribus cōnfectō, ut jam sē sustinēre nōn posset, reliquōs esse tardiorēs et nōnnūllōs ab novissimis dēsertō proeliō excēdere  
25 ac tēla vitāre, hostēs neque ā fronte ex inferiōre locō subeuntēs intermittere et ab utrōque latere instāre et rem esse in angustō vīdit, neque ūllum esse subsidium quod summittī posset; scūtō ab novissimis ūnī militī dētractō, quod ipse eō sine scūtō vēnerat, in prīmam aciem prōcessit cen-  
30 turiōnibusque nōminātīm appellātīs reliquōs cohortātus

mīlītēs signa inferre et manipulōs laxāre iussit, quō facilius gladiis ūtī possent. Cūjus adventū spēs illātā mīlitibus ac redintegrātō animō, cum prō sē quisque in cōnspectū imperātōris etiam in extrēmīs suis rēbus operam nāvāre cuperet, paulum hostium impetus tardātus est. 5

*Reinforcements arrive.*

26. Caesar, cum septimam legiōnem, quae jūxtā cōnstitat, item urgērī ab hoste vidisset, tribūnōs mīlitum monuit, ut paulātīm sēsē legiōnēs conjungerent et conversa signa in hostēs inferrent. Quō factō cum aliīs aliī subsidium ferrent neque timērent, nē āversī ab hoste 10 circumvenīrentur, audācius resistere ac fortius pūgnāre coepērunt.

Interim mīlītēs legiōnum duārum quae in novissimō agmine praesidiō impedīmentīs fuerant, proeliō nūntiātō cursū incitātō in summō colle ab hostibus cōspiciēbantur, 15 et Titus Labiēnus castris hostium potitus et ex locō superiōre, quae rēs in nostris castris gererentur, cōspicātus, decimam legiōnem subsidiō nostris mīsīt. Quī cum ex equitum et cālōnum fugā, quō in locō rēs esset, quantōque in periculō et castra et legiōnēs et imperātor versārētur, 20 cognōvissent, nihil ad celeritātem sibi reliquī fēcērunt.

*The Romans defeat and almost annihilate the Nervii. Caesar spares the survivors.*

27. Hōrum adventū tanta rērum commūtatiō est facta, ut nostrī, etiam quī vulneribus cōfectī prōcubuissent, scūtīs innīxī proelium redintegrārent, cālōnēs perterritōs hostēs cōspicātī etiam inermēs armātīs occurrerent, equi- 25 tēs vērō, ut turpitūdinem fugae virtūte delērent, omnibus in locis pūgnae sē legiōnāriīs mīlitibus praeferrent.

At hostēs etiam in extrēmā spē salūtis tantam virtutem praestitērunt, ut, cum primī eōrum cecidissent, proximī jacentibus Insisterent atque ex eōrum corporibus pūgnārent; hīs dējectīs et coacervātīs cadāveribus, quī  
 5 superessent, ut ex tumultō tēla in nostrōs conicerent et pila intercepta remitterent; ut nōn nēquiquam tantae virtutis hominēs jūdicārī dēberet ausōs esse trānsire lātissimum flūmen, ascendere altissimās ripās, subīre iniquissimum locum, quae facilia ex difficillimīs animī māg-  
 10 nitūdō redēgerat.

28. Hōc proeliō factō et prope ad interneciōnem gente ac nōmine Nerviōrum redactō, mājorēs nātū, quōs ūnā cum puerīs mulieribusque in aestuāria ac palūdēs conjectōs dixerāmus, hāc pūgnā nūntiātā, cum victōribus  
 15 nihil impeditum, victīs nihil tūtum arbitrārentur, omnium, quī supererant, cōnsensū lēgātōs ad Caesarem miserunt sēque eī dēdidērunt, et in commemorandā civitātis calamitāte ex sexcentīs ad trēs senātōrēs, ex hominum milibus LX vix ad quīngentōs quī arma ferre possent,  
 20 sēsē redactōs esse dixerunt. Quōs Caesar, ut in miserōs ac supplicēs ūsus misericordiā vidērētur, diligentissimē cōservāvit suisque finibus atque oppidīs ūtī jussit et finitimīs imperāvit, ut ab injūriā et maleficiō sē suosque prohibērent.

#### CHAPTERS 29–33. — CONFLICT WITH THE ADUATUCI.

##### *The Aduatuci take refuge in a stronghold.*

25 29. Aduatuci, dē quibus suprā scrīpsimus, cum omnibus cōpiīs auxiliō Nerviīs venīrent, hāc pūgnā nūntiātā ex itinere domum revertērunt; cūctīs oppidīs castellisque dēsertīs sua omnia in ūnum oppidum ēgregiē nātūrā mūnitum contulērunt. Quod cum ex omnibus in

circuitū partibus altissimās rūpēs dējectūsque habēret, ūnā ex parte lēniter acclivis aditus in lātitudinem nōn amplius ducentōrum pedum relinquēbātur; quem locum duplici altissimō mūrō mūnierant; tum māgnī ponderis saxa et praeacūtās trabēs in mūrō collocābant. 5

Ipsī erant ex Cimbris Teutonisque prōgnātī, quī, cum iter in prōvinciam nostram atque Italiam facerent, eis impedimentis, quae sēcum agere ac portāre nōn poterant, citrā flūmen Rhēnum dēpositis cūstōdiam ex suis ac praesidium sex mīlia hominum ūnā reliquērunt. Hi 10 post eōrum obitum multōs annōs ā finitimis exagitātī, cum aliās bellum inferrent, aliās illātum dēfenderent, cōnsēnsū eōrum omnium pāce factā, hunc sibi domiciliō locum dēlēgērunt.

*Their contempt for the Roman siege works.*

30. Ac primō adventū exercitūs nostrī crēbrās ex 15 oppidō excursiōnēs faciēbant parvulisque proeliis cum nostris contendēbant; postea vāllō pedum XII, in circuitū xv mīlium crēbrisque castellis circummūnītī oppidō sēsē continēbant. Ubi vineis āctis aggere exstrūctō turrim procul cōstituī vīdērunt, primum irridēre ex mūrō atque 20 increpitāre vōcibus, quod tanta māchinātiō ā tantō spatiō instituerētur: Quibusnam manibus aut quibus vīribus praesertim hominēs tantulae statūrae (nam plērumque omnibus Gallis prae māgnitudine corporum suōrum brevitas nostra contemptū est) tantī oneris turrim in 25 mūrō sēsē collocāre posse cōfiderent?

*They surrender, but secretly retain weapons.*

31. Ubi vērō movērī et appropinquāre moenibus vīdērunt, novā atque inūsitatā speciē commōti lēgātōs ad

Caesarem de pāce miserunt, qui ad hunc modum locuti:  
 Nōn sē existimāre, Rōmānōs sine ope deōrum bellum  
 gerere, qui tantae altitudinis māchinātiōnēs tantā celeri-  
 tate prōmovēre possent; sē suae omnia eōrum potestati  
 5 permittere dixerunt. Unum petere ac deprecārī: si forte  
 prō suā clēmentīā ac mānsuetūdine, quam ipsi ab aliis  
 audirent, statuisset, Aduatucōs esse cōservandōs, nē sē  
 armīs dēspoliāret. Sibi omnēs ferē finitimōs esse ini-  
 micōs ac suae virtūti invidēre; ā quibus sē dēfendere  
 10 trāditis armīs nōn possent. Sibi praestāre, si in eum  
 cāsus dēdūcerentur, quamvis fortūnam ā populō Rōmānō  
 pati, quam ab hīs per cruciātum interfici inter quōs  
 dominārī cōnsuēssent.

32. Ad haec Caesar respondit: Sē magis cōnsuetūdine  
 15 suā quam meritō eōrum civitatē cōservātūrum, si,  
 priusquam mūrū ariēs attigisset, sē dēdidissent; sed  
 dēditōnis nullam esse condiciōnem nisi armīs trāditis.  
 Sē id, quod in Nerviiis fecisset, factūrum finitimisque  
 imperātūrum, nē quam dēditiciis populī Rōmāni injūriam  
 20 inferrent.

Rē nūntiātā ad suōs, illi sē, quae imperārentur, facere  
 dixerunt. Armōrum māgnā multitudīne de mūrō in  
 fossam, quae erat ante oppidum, jactā, sic ut prope  
 summam mūri aggerisque altitudinem acervi armōrum  
 25 adaequārent, et tamen circiter parte tertiā, ut postea  
 perspectum est, celātā atque in oppidō retentā, portis  
 patefactis eō diē pāce sunt usi.

*Caesar thwarts their attempted treachery, and sells them into slavery.*

33. Sub vesp̄erum Caesar portās claudī militēsque ex  
 oppidō exire iussit, nē quam noctū oppidāni ā militibus



injūriam acciperent. Illi, ante initō, ut intellēctum est, cōnsiliō, quod dēditionē factā nostrōs praesidia dēduc-  
tūrōs aut dēnique indiligentius servātūrōs crēdiderant,  
partim cum eis, quae retinuerant et cēlāverant, armīs,  
partim scūtīs ex cortice factīs aut vīminibus intextīs, 5  
quae subitō, ut temporis exiguitās postulābat, pellibus  
indūxerant, tertiā vigiliā, quā minimē arduus ad nostrās  
mūnitiōnēs ascēsus vidēbātur, omnibus cōpiīs repente  
ex oppidō ēruptiōnem fēcērunt.

Celeriter, ut ante Caesar imperāverat, ignibus significā- 10  
tione factā, ex proximīs castellīs eō concursum est pūg-  
nātumque ab hostibus ita ācriter est, ut ā virīs fortibus  
in extrēmā spē salutis inīquō locō contrā eōs, quī ex  
vāllō turribusque tēla jacerent, pūgnārī dēbuit, cum in  
ūnā virtūte omnis spēs salutis cōsisteret. Occīsīs ad 15  
hominum milibus quattuor, reliquī in oppidum rējecti  
sunt.

Postridiē ejus diēi refrāctīs portīs, cum jam dēfenderet  
nēmō, atque intrōmissīs mīlitibus nostrīs, sectiōnem ejus  
oppidi ūniversam Caesar vēndidit. Ab eis, quī ēmerant, 20  
capitum numerus ad eum relātus est mīlium quinquā-  
gintā trium.

#### CHAPTERS 34, 35. — CONCLUDING EVENTS OF THE YEAR.

*Publius Crassus reduces several tribes along the coast.*

34. Eōdem tempore ā Pūbliō Crassō, quem cum  
legiōne ūnā mīserat ad Venetōs, Venellōs, Osismōs, Cori-  
osolitas, Esuviōs, Aulercōs, Redonēs, quae sunt mariti- 25  
mae cīvitātēs Ōceanumque attingunt, certior factus est,  
omnēs eās cīvitātēs in diciōnem potestātemque populi  
Rōmānī esse redāctās.

*Caesar places the army in winter quarters. A thanksgiving commemorating his victories is decreed at Rome.*

35. Hīs rēbus gestīs omni Gallīā pācātā, tanta hūjus belli ad barbarōs opīniō perlāta est, uti ab eīs nātiōnibus, quae trāns Rhēnum incolerent, lēgātī ad Caesarem mitterentur, quī sē obsidēs datūrās, imperāta factūrās pollicērentur. Quās lēgātiōnēs Caesar, quod in Italiam Illyricumque properābat, initā proximā aestāte ad sē revertī jussit.

Ipse, in Carnutēs, Andēs, Turonōs, quaeque civitatēs propinquae hīs locīs erant, ubi bellum gesserat, legiōnibus in hiberna dēductīs, in Italiam profectus est. Ob eāsque rēs ex litterīs Caesaris in diēs quīndecim supplicatiō dēcrēta est, quod ante id tempus accidit nulli.

## BOOK III.

### CHAPTERS 1-6.—GALBA AT OCTODURUS.

*Galba takes up his quarters at Octodurus.*

1. CUM in Italiam proficisceretur Caesar, Servium Galbam cum legione duodecimā et parte equitātis in Nantuātes, Veragrōs Sedūnōsque misit, quī ā finibus Allobrogum et lacū Lemannō et flumine Rhodanō ad summās Alpēs pertinent. Causa mittendī fuit, quod iter 5 per Alpēs, quō magnō cum periculō magnisque cum portōriis mercātōrēs ire cōsuērant, patefierī volēbat. Huic permisit, sī opus esse arbitrāretur, utī in hīs locis legiōnem hiemandī causā collocāret.

Galba, secundis aliquot proeliis factis castellisque com- 10 plūribus eōrum expūgnātis, missis ad eum undique lēgātis obsidibusque datis et pāce factā, cōstituit cohortēs duās in Nantuātibus collocāre et ipse cum reliquīs ejus legiōnis cohortibus in vicō Veragrōrum, quī appellātur Octodūrus, hiemāre; quī vicus positus in valle, nōn 15 magnā adjectā plānitie, altissimis montibus undique continetur. Cum hic in duās partēs flumine dīvideretur, alteram partem ejus vicī Gallis concessit, alteram vacuum ab hīs relictam cohortibus ad hiemandum attribuit. Eum locum vāllō fossaque mūnivit. 20

*He is besieged by the neighboring Alpine tribes.*

2. Cum diēs hibernōrum complūrēs trānsissent, frumentumque eō comportārī jussisset, subitō per explorātōrēs certior factus est, ex eā parte vicī, quam Gallis

concesserat, omnēs noctū discessisse, montēsque, quī impendērent, ā māximā multitudine Sedūnōrum et Veragrōrum tenērī.

Id aliquot dē causis acciderat, ut subitō Galli bellī  
5 renovandī legiōnisque opprimendae cōnsilium caperent :  
prīmum, quod legiōnem, neque eam plēnissimam, detrāctis cohortibus duābus et complūribus singillatim, quī commeātūs petendī causā missī erant, absentibus, propter paucitātem dēspiciēbant; tum etiam, quod propter inī-  
10 quitātem locī, cum ipsī ex montibus in vallem dēcurrerent et tēla conicerent, nē prīmum quidem impetum suum posse sustinērī exīstimābant. Accēdēbat, quod suōs ab sē liberōs abstrāctōs obsidum nōmine dolēbant et Rōmānōs nōn solum itinerum causā sed etiam perpetuae  
15 possessiōnis culmina Alpium occupāre cōnārī et ea loca finitimae prōvinciae adungere sibi persuāsum habēbant.

3. His nūntiis acceptis Galba, cum neque opus hībernōrum mūntiōnēsque plēnē essent perfectae, neque dē frūmentō reliquōque commeātū satis esset prōvīsum,  
20 quod dēditiōne factā obsidibusque acceptis nihil dē bellō timendum exīstimāverat, cōnsiliō celeriter convocātō sententiās exquirere coepit. Quō in cōnsiliō, cum tantum repentīnī periculī praeter opīniōnem accidisset ac jam omnia ferē superiōra loca multitudine armātōrum com-  
25 plēta cōspicerentur, neque subsidiō venīrī neque commeātūs supportārī interclūsīs itineribus possent, prope jam dēspērātā salūte nōnnūllae hūjus modī sententiae dicēbantur, ut impedimentis relictis ēruptiōne factā isdem itineribus, quibus eō pervēnissent, ad salūtem con-  
30 tenderent. Mājōrī tamen partī placuit, hōc reservātō ad extrēmum cōnsiliō interim rei ēventum experīrī et castra dēfendere.

*The Romans defend the camp against heavy odds.*

4. Brevi spatio interjecto, vix ut eis rebus, quas constituerent, collocandis atque administrandis tempus daretur, hostes ex omnibus partibus signo dato decurrere, lapides gaesaque in vallum conicere. Nostris primo integris viribus fortiter repugnare neque illum frustrâ telum ex loco superiore mittere, et quaecumque pars castrorum nudata defensoribus premi videbatur, eo occurrere et auxilium ferre, sed hoc superari, quod diuturnitate pugnae hostes defessi proelio excedebant, alii integris viribus succedebant; quarum rerum a nostris propter paucitatem 10 fieri nihil poterat, ac non modo defesso ex pugna excendendi, sed ne saucio quidem ejus loci, ubi constiterat, relinquendi ac sui recipiendi facultas dabatur.

*They resolve upon a sortie.*

5. Cum jam amplius horis sex continenter pugnaretur ac non solum vires, sed etiam tela nostris deficerent, 15 atque hostes acrius instarent languidiorebusque nostris vallum scindere et fossas complere coepissent, resque esset jam ad extremum perducta casum, Publius Sextius Baculus, primi pilii centurio, quem Nervico proelio compluribus confectum vulneribus diximus, et item Gaius 20 Volusenus, tribunus militum, vir et consilii magni et virtutis, ad Galbam accurrunt atque unam esse spem salutis docent, si eruptione facta extremum auxilium experientur. Itaque convocatis centurionibus celeriter milites certiores facit, paulisper intermitterent proelium ac tantum modo tela missa exciperent seque ex labore reficerent, post dato signo ex castris erumperent atque omnem 25 spem salutis in virtute ponerent.

*Defeat of the Gauls.*

6. Quod jussī sunt, faciunt, ac subitō omnibus portīs  
 ēruptiōne factā neque cognōscendī, quid fieret, neque suī  
 colligendī hostibus facultātem relinquunt. Ita commū-  
 tātā fortunā eōs, qui in spem potiundōrum castrōrum  
 5 vñerant, undique circumventōs interficiunt et ex homi-  
 num milibus amplius xxx, quem numerum barbarōrum  
 ad castra vñisse cōstābat, plūs tertiā parte interfectā  
 reliquōs perterritōs in fugam coniciunt ac nē in locīs qui-  
 dem superiōribus cōsistere patiuntur. Sic omnibus hos-  
 10 tium cōpīs fūsis armisque exūtīs sē intrā mūnitiōnēs  
 suās recipiunt.

Quō proeliō factō, quod saepius fortunam temptāre  
 Galba nōlēbat atque aliō sē in hīberna cōsiliō vñisse  
 meminerat, aliīs occurrisset rēbus viderat, māximē frū-  
 15 menti commeātūque inopiā permōtus posterō diē, omni-  
 bus ejus vicī aedificiis incēnsīs, in prōvinciam revertī  
 contendit, ac nullō hoste prohibente aut iter dēmorante  
 incolumem legiōnem in Nantuātēs, inde in Allobrogēs  
 perdūxit ibique hiemāvit.

## CHAPTERS 7-16.—WAR AGAINST THE VENETI.

*Crassus sends messengers to the maritime tribes.*

20 7. His rēbus gestīs, cum omnibus dē causīs Caesar  
 pācātā Galliam existimāret, superātīs Belgīs, expulsīs  
 Germānīs, victīs in Alpibus Sedūnīs, atque ita inītā  
 hieme in Illyricum profectus esset, quod eās quoque  
 nātiōnēs adire et regiōnēs cognōscere volēbat, subitum  
 25 bellum in Galliā cōrtum est. Ejus belli haec fuit causa.  
 P. Crassus adulēscēns cum legiōne septimā proximū

mare Oceanum in Andibus hiemabat. Is, quod in his locis inopia frumentī erat, praefectōs tribūnōsque militum complūrēs in finitimās civitatēs frumentī causā dimisit; quō in numerō est Titus Terrasidius missus in Esuviōs, Mārcus Trebius Gallus in Coriosolitas, Quintus Velānius cum Titō Siliō in Venetōs.

*Maritime prowess of the Veneti. The Gauls detain the messengers and form a league against the Romans.*

8. Hūjus est civitātis longē amplissima auctōritās omnis orae maritimae regiōnum earum, quod et nāvēs habent Venetī plūrimās, quibus in Britanniam nāvigāre cōsuērunt, et scientiā atque usū rerum nauticarum ceteros antecēdunt et in māgnō impetū maris atque apertō paucis portibus interjectis, quōs tenent ipsi, omnēs ferē, qui eō mari uti cōsuērunt, habent vectigālēs. Ab his fit initium retinendi Sili atque Velāni, quod per eos suos se obsidēs, quōs Crassō dedissent, recuperātūrōs existimā- 15 bant.

Hōrum auctōritāte finitimī adducti, ut sunt Gallōrum subita et repentina cōsilia, eādē dē causā Trebium Terrasidiumque retinent, et celeriter missis lēgātis per suos principēs inter se conjūrant, nihil nisi commūni cōsiliō actūrōs eundemque omnēs fortunae exitum esse latūrōs, reliquāsque civitatēs sollicitant, ut in eā libertate, quam a majōribus accēperint, permanēre quam Rōmānōrum servitūtem perferre mālint. Omnī orā maritimā celeriter ad suam sententiam perductā, commūnem 25 lēgatiōnem ad Pūblium Crassum mittunt, si velit suos recuperāre, obsidēs sibi remittat.

*Caesar prepares for war. Natural obstacles presented by the  
Gallie coast.*

9. Quibus de rebus Caesar a Crasso certior factus,  
quod ipse aberat longius, naves interim longas aedificari  
in flumine Ligeri, quod influit in Oceanum, remiges ex  
provincia institui, nautas gubernatoresque comparari  
5 jubet. His rebus celeriter administratis, ipse, cum pri-  
mum per anni tempus potuit, ad exercitum contendit.

Venetii reliquaeque item civitates, cognitio Caesaris  
adventu, simul quod, quantum in se facinus admisissent,  
intellegebant, legatos, quod nomen ad omnes nationes  
10 sanctum inviolatumque semper fuisset, retentos ab se et  
in vincula coniectos, pro magnitudine periculi bellum  
parare et maxime ea, quae ad usum navium pertinent,  
providere instituunt, hoc majore spe, quod multum natura  
loci confidebant. Pedestria esse itinera concisa aestua-  
15 riis, navigationem impeditam propter inscientiam locorum  
paucitatemque portuum sciebant, neque nostris exercitus  
propter frumentum inopiam diutius apud se morari posse  
confidebant; ac jam ut omnia contra opinionem accide-  
rent, tamen se plurimum navibus posse, Romanos neque  
20 ullam facultatem habere navium, neque eorum locorum,  
ubi bellum gereri essent, vada, portus, insulas novisse;  
ac longe aliam esse navigationem in conclusio mari  
atque in vastissimo atque apertissimo Oceano perspicie-  
bant. His initis consiliis oppida muniunt, frumenta ex  
25 agris in oppida comportant, naves in Venetiam, ubi  
Caesarem primum bellum geriturum constabat, quam  
plurimas possunt, cogunt. Socios sibi ad id bellum  
Osismos, Lexovios, Namnetes, Ambiliatos, Morinos, Dia-  
blintēs, Menapios asciscunt; auxilia ex Britannia, quae  
30 contra eas regiones posita est, arcessunt.



10. Erant hae difficultatēs bellī gerendī, quās suprà ostendimus, sed multa tamen Caesarem ad id bellum incitabant: injūria retentōrum equitum Rōmānōrum, rebellio facta post deditiōnem, defectiō datīs obsidibus, tot civitatum conjūratiō, in primīs nē, hāc parte neglectā, reliquae 5 natiōnēs sibi idem licēre arbitrarentur. Itaque cum intellexeret, omnēs ferē Gallōs novīs rēbus studere et ad bellum mōbiliter celeriterque excitārī, omnēs autem hominēs nātūrā libertāti studere et condiōnem servitūtis ōdisse, priusquam plūrēs civitatēs cōspirarent, partiendum sibi 10 ac lātius distribuendum exercitum putāvit.

*Caesar stations troops at strategic points to guard against further uprisings.*

11. Itaque Titum Labiēnum lēgātum in Trēverōs, quī proximī flūminī Rhēnō sunt, cum equitatū mittit. Huic mandat, Rēmōs reliquōsque Belgās adeat atque in officiō contineat Germānōsque, quī auxiliō ā Belgīs arcessitī 15 dicēbantur, sī per vim nāvibus flūmen trānsire cōnentur, prohibeat. Pūblium Crassum cum cohortibus legiōnariis XII et māgnō numerō equitatūs in Aquitāniam proficisci jubet, nē ex hīs natiōnibus auxilia in Galliam mittantur ac tantae natiōnēs jungantur. Quīntum Titūrium 20 Sabīnum lēgātum cum legiōnibus tribus in Venellōs, Coriosolitas Lexoviōsque mittit, quī eam manum distinendam cūret. Decimum Brūtum adulescentem classī Gallicis nāvibus, quās ex Pictonibus et Santonis reliquisque pācātīs regiōnibus convenire jusserat, praeficit 25 et, cum primum possit, in Venetōs proficisci jubet. Ipse eō pedestribus cōpiīs contendit.

*The Romans make slow headway with the war.*

12. Erant ejus modi ferē sitūs oppidōrum, ut posita in  
extrēmīs lingulis prōmunturiisque neque pedibus aditum  
habērent, cum ex altō sē aestus incitāvisset, quod accidit  
semper hōrārū XII spatiō, neque nāvibus, quod rūsus  
5 minuenta aestū nāvēs in vadīs afflictārentur. Ita utrāque  
rē oppidōrum oppugnātiō impediēbatur; ac sī quandō,  
māgnitūdine operis forte superātī, extrūsō marī aggere ac  
mōlibus atque hīs oppidi moenibus adaequātīs, suis fortū-  
nīs dēspērāre coeperant, māgnō numerō nāvium appulsō,  
10 cūjus rei summam facultātem habēbant, sua dēportābant  
omnia sēque in proxima oppida recipiēbant; ibi sē rūsus  
isdem opportunitātibus locī dēfendēbant. Haec eō fa-  
cilius māgnam partem aestātis faciēbant, quod nostrae  
nāvēs tempestātibus dētinebantur, summaque erat vāstō  
15 atque apertō marī, māgnīs aestibus, rāris ac prope nullīs  
portibus, difficultās nāvigandī.

*Construction of the Gallic ships.*

13. Namque ipsōrum nāvēs ad hunc modum factae  
armataeque erant: carinae aliquantō plāniōrēs quam no-  
strārū nāvium, quō facilius vada ac dēcessum aestūs  
20 excipere possent; prōrae admodum ērēctae atque item  
puppēs, ad māgnitūdinem fluctuum tempestātumque ac-  
commodatae; nāvēs tōtae ex rōbore ad quamvis vim et  
contumēliam perferendam; trānstra ex pedālibus in alti-  
tūdinem trabibus, cōnfixa clāvīs ferreis digitī pollicis  
25 crassitūdine; ancōrae prō fūnibus ferreis catēnīs re-  
vinctae; pellēs prō vēlis alūtāeque tenuiter cōfectae,  
hae sive propter linī inopiam atque ejus ūsūs inscientiam,  
sive eō, quod est magis vērī simile, quod tantās tempes-

tātēs Ōceanī tantōsque impetūs ventōrum sustinērī ac tanta onera nāvium regī vēlis nōn satis commodē posse arbitrabantur.

Cum hīs nāvibus nostrae classi ejus modī congressus erat, ut ūnā celeritāte et pulsū rēmōrum praestāret, reliqua 5  
prō loci nātūrā, prō vī tempestātum illīs essent aptiōra et accommodātiōra. Neque enim hīs nostrae rōstrō nocēre poterant (tanta in eis erat firmitūdō), neque propter altitudinem facile tēlum adigebātur, et eādē dē causā minus commodē cōpulis continēbantur. Accēdēbat, ut, cum sae- 10  
vire ventus coepisset et sē ventō dedissent, et tempestātem ferrent facilius et in vadīs cōsisterent tūtius et ab aestū relictāe nihil saxa et cautēs timērent; quārum rerū omnium nostrīs nāvibus cāsus erat extimēscendus.

*Naval engagement with the Veneti.*

14. Complūrībus expūgnātīs oppidīs Caesar, ubi intel- 15  
lēxit, frūstrā tantum labōrem sūmī, neque hostium fugam captīs oppidīs reprimī neque eis nocērī posse, statuit expectandam classem. Quae ubi convēnit ac prīmum ab hostibus vīsa est, circiter ccxx nāvēs eōrum, parātissimae atque omni genere armōrum ōrnatissimae, profectae ex 20  
portū nostrīs adversae cōstitērunt; neque satis Brūtō, quī classi praeerat, vel tribūnīs militum centuriōnibusque, quibus singulae nāvēs erant attribūtae, cōstābat, quid agerent aut quam ratiōnem pūgnae insisterent. Rōstrō enim nocērī nōn posse cognōverant; turribus autem exci- 25  
tātīs, tamen hās altitūdō puppiū ex barbarīs nāvibus superābat, ut neque ex inferiōre locō satis commodē tēla adigī possent et missa ā Gallīs gravius acciderent.

Una erat māgnō ūsuī rēs praeparāta ā nostrīs, falcēs praeacūtāe insertae affixaeque longuriīs, nōn absimili 30

fōrmā mūrālium falcium. Hīs cum fūnēs, quī antemnās ad mālōs dēstinābant, comprēhēnsī adductīque erant, nāvigiō rēmīs incitātō prærumpēbantur. Quibus abscisīs antemnae necessariō concidēbant, ut, cum omnis Gallicīs  
 5 nāvibus spēs in vēlīs armāmentisque cōsisteret, hīs ēreptīs omnis ūsus nāvium ūnō tempore ēriperētur. Reliquum erat certāmen positum in virtūte, quā nostrī militēs facile superābant, atque eō magis, quod in cōspectū Caesaris atque omnis exercitūs rēs gerēbātur, ut nūllum  
 10 paulō fortius factum latēre posset; omnēs enim collēs ac loca superiōra, unde erat propinquus dēspectus in mare, ab exercitū tenēbantur.

*The Gallic ships are becalmed and many are captured.*

15. Dējectīs, ut diximus, antemnīs, cum singulās bīnae ac ternae nāvēs circumsteterant, militēs summā vī trān-  
 15 scendere in hostium nāvēs contendēbant. Quod postquam barbarī fierī animadvertērunt, expūgnātīs complūribus nāvibus, cum eī rei nūllum reperīrētur auxilium, fugā salūtem petere contendērunt. Ac jam conversīs in eam partē nāvibus, quō ventus ferēbat, tanta subitō malacia  
 20 ac tranquillitās exstitit, ut sē ex locō movēre nōn possent. Quae quidem rēs ad negōtium cōficiendum māximē fuit opportūna; nam singulās nostrī cōsectātī expūgnāverunt, ut perpaucae ex omni nūmerō noctis interventū ad terram pervēnerint, cum ab hōrā ferē quārtā ūsque ad sōlis occā-  
 25 sum pūgnārētur.

*The Veneti surrender and are sold into slavery.*

16. Quō proeliō bellum Venetōrum tōtīusque ōrae maritimae cōfectum est. Nam cum omnis iuventūs, omnēs etiam graviōris aetātis, in quibus aliquid cōsili aut digni-

tātis fuit, eō convēnerant, tum, nāvium quod ubique fuerat, in ūnum locum coēgerant; quibus āmissis reliqui neque quō sē reciperent, neque quem ad modum oppida dēfenderent, habēbant. Itaque sē suaeque omnia Caesarī dēdidērunt. In quōs eō gravius Caesar vindicandum statuit, quō diligentius in reliquum tempus ā barbaris jū legātōrum cōservārētur. Itaque omni senātū necātō reliquōs sub corōnā vēndidit.

#### CHAPTERS 17–19. — THE CAMPAIGN AGAINST THE VENELLI.

*Sabinus takes up his quarters among the Venelli.*

17. Dum haec in Venetis geruntur, Quīntus Titūrius Sabinus cum eis cōpiis, quās ā Caesare accēperat, in finēs 10 Venellōrum pervēnit. His praeerat Viridovix ac summam imperi tenēbat eārum omnium civitātum, quae dēfēceraut, ex quibus exercitum māgnāsque cōpiās coēgerat; atque his paucis diēbus Aulerci Eburovices Lexovique senātū suō interfectō, quod auctōrēs belli esse nōlēbant, portās 15 clausērunt sēque cum Viridovice conjūnxērunt; māgnaque praeterea multitūdō undique ex Galliā perditōrum hominum latrōnumque convēnerat, quōs spēs praedandi studiumque bellandi ab agrī culturā et cotīdiānō labōre sēvocābat.

20

Sabinus idōneō omnibus rēbus locō castris sēsē tenēbat, cum Viridovix contrā eum duōrum mīlium spatiō cōnsēdisset cotīdiēque prōductis cōpiis pūgnandi potestātem faceret, ut jam nōn solum hostibus in contemptiōnem Sabinus veniret, sed etiam nostrōrum mīlitum vōcibus 25 nōnnihil carperētur; tantamque opīniōnem timōris prae-

buit, ut jam ad vāllum castrōrum hostēs accēdere audērent. Id eā dē causā faciēbat, quod cum tantā multitudīne hostium, praesertim eō absente, quī summam imperī tenēret, nisi aequō locō aut opportūnitāte aliquā datā, lēgātō  
5 dimicandum nōn existimābat.

*By pretending fear he induces the Gauls to attack his camp.*

18. Hāc cōfirmātā opīniōne timōris, idōneum quendam hominem et callidum dēlēgit, Gallum, ex eīs, quōs auxili causā sēcum habēbat. Huic magnīs praemiīs pollicitātiōnibusque persuādet, utī ad hostēs transeat, et, quid  
10 fierī velit, ēdocet. Quī ubi prō perfugā ad eōs vēnit, timōrem Rōmānōrum prōpōnit, quibus angustiīs ipse Caesar ā Venetīs premātur, docet, neque longius abesse, quā proximā nocte Sabīnus clam ex castrīs exercitum ēducāt et ad Caesarem auxili ferendī causā proficiēscātur. Quod ubi  
15 auditum est, conclāmant omnēs, occāsiōnem negōtī bene gerendī āmittendam nōn esse; ad castra Irī oportēre.

Multae rēs ad hōc cōsiliū Gallōs hortābantur; superiorū diērum Sabīnī cunctātiō, perfugae cōfirmātiō, inopia cibāriōrum, cui rei parum diligenter ab eīs erat  
20 prōvisum, spēs Veneticī bellī, et quod ferē libenter hominēs id, quod volunt, crēdunt. His rēbus adductī nōn prius Viridovicem reliquōsque ducēs ex conciliō dimittunt quam ab hīs sit concessum, arma utī capiant et ad castra contendant. Quā rē concessā laeti, ut explorātā  
25 victōriā, sarmentīs virgultisque collēctīs, quibus fossās Rōmānōrum compleant, ad castra pergunt.

*Defeat of the Gauls.*

19. Locus erat castrōrum ēditus et paulatim ab imō acclivis circiter passūs mille. Hūc magnō cursū contendē-

runt, ut quam minimum spatī ad sē colligendōs armandōsque Rōmānīs darētur, exanimātique pervēnerunt. Sabīnus suōs hortātus cupientibus sīgnum dat. Impeditīs hostibus propter ea, quae ferēbant, onera, subito duābus portīs ēruptiōnem fierī jubet. Factum est opportūnitāte 5 locī, hostium īnscentiā ac dēfatigātiōne, virtūte militum et superiōrum pūgnārum exercitātiōne, ut nē ūnum quidem nostrōrum impetum ferrent ac statim terga verterent. Quōs impeditōs integrīs vīribus milites nostri cōsecūtī māgnū numerum eōrum occidērunt; reliquōs 10 equitēs cōsecutātī paucōs, quī ex fugā ēvāserant, reliquerunt. Sic ūnō tempore et dē nāvālī pūgnā Sabīnus et dē Sabīnī victoriā Caesar certior factus est, cīvitatēsq̄e omnēs sē statim Titūriō dēdidērunt. Nam ut ad bella suscipienda Gallōrum alacer ac prōptus est animus, 15 sic mollis ac minimē resistēns ad calamitatēs perferendās mēns eōrum est.

#### CHAPTERS 20–27. CRASSUS IN AQUITANIA.

*Crassus is attacked by the Sotiates.*

20. Eōdem ferē tempore Pūblius Crassus, cum in Aquitāniam pervēnisset, quae pars, ut ante dictum est, et regiōnū lātitudine et multitudine hominum ex tertiā 20 parte Galliae est aestimanda, cum intellexeret, in eīs locīs sibi bellum gerendum ubi paucīs ante annīs Lūcius Valerius Praecōnīnus lēgātus exercitū pulsō interfectus esset atque unde Lūcius Manlius prōcōsul impedimentīs āmissis profūgisset, nōn mediocrem sibi dīligentiam 25 adhibendam intellegēbat. Itaque rē frūmentāriā prōvisā, auxiliīs equitatūque comparātō, multis praetereā virīs fortibus Tolōsā, Carcasōne, Narbōne, quae sunt cīvitatēs

Galliae prōvinciae finitimae hīs regiōnibus, nōminātim  
 ēvocātis, in Sōtiātum finēs exercitum intrōdūxit. Cūjus  
 adventū cognitō Sōtiātēs māgnīs cōpiis coāctis equitā-  
 tūque, quō plūrimum valēbant, in itinere agmen nostrum  
 5 adortī primum equestre proelium cōmmisērunt, deinde,  
 equitātū suō pulsō atque insequentibus nostris, subitō  
 pedestrēs cōpiās, quās in convalle in insidiis collocāve-  
 rant, ostendērunt. Hī nostrōs disiectōs adortī proelium  
 renovārunt.

*He routs them and captures their town.*

10 21. Pūgnātum est diū atque ācriter, cum Sōtiātēs  
 superiōribus victōriis frēti in suā virtūte tōtius Aquitā-  
 niae salūtem positam putārent, nostrī autem, quid sine  
 imperātore et sine reliquis legiōnibus adulēscentulō duce  
 efficere possent, perspicī cuperent; tandem cōfectī vul-  
 15 neribus hostēs terga vertērunt. Quōrum māgnō numerō  
 interfectō Crassus ex itinere oppidum Sōtiātum oppū-  
 gnāre coepit. Quibus fortiter resistentibus, vineās tur-  
 resque ēgit. Illi aliās ēruptiōne temptātā, aliās cuniculis  
 ad aggerem vineāsque āctis (cūjus rei sunt longē peritis-  
 20 simī Aquitānī, proptereā quod multis locis apud eos  
 aerāriae sectūraeque sunt), ubi dīligentiā nostrōrum nihil  
 hīs rēbus prōfici posse intellēxērunt, lēgātōs ad Crassum  
 mittunt, sēque in dēditionem ut recipiat, petunt. Quā rē  
 impetrātā, arma trādere iussī faciunt.

*Sally of Adiatunnus.*

25 22. Atque in eā rē omnium nostrōrum intentis ani-  
 mis, aliā ex parte oppidi Adiatunnus, quī summam  
 imperi tenēbat, cum de dēvōtis, quōs illi 'solduriōs'  
 appellat, quōrum haec est condiciō, utī omnibus in vitā



commodis ūnā cum eis fruuntur, quōrum sē amicitiae dēdiderint, sī quid hīs per vim accidat, aut eundem cāsum ūnā ferant aut sibi mortem cōnsciscant (neque adhūc hominum memoriā repertus est quisquam, quī eō interfectō, cūjus sē amicitiae dēvōvisset, mortem recūsāret), 5 cum hīs Adiatunnus ēruptionem facere cōnātus, clāmōre ab eā parte mūnitiōnis sublātō, cum ad arma milites concurrissent vehementerque ibi pūgnātum esset, repulsus in oppidum tamen, utī eādē dēditiōnis condiciōne ūteretur, ā Crassō impetrāvit. 10

*Crassus comes into the territory of the Vocates and Tarusates.*

23. Armīs obsidibusque acceptis, Crassus in finēs Vocātium et Tarusātium profectus est. Tum vērō barbari commōti, quod oppidum et nātūrā loci et manū mūnitum paucis diēbus, quibus eō ventum erat, expūgnātum cognōverant, lēgātōs quōqueversus dīmittere, con- 15 jūrāre, obsidēs inter sē dare, cōpiās parāre coepērunt. Mittuntur etiam ad eās civitatēs lēgātī, quae sunt citeriōris Hispāniae finitimae Aquitāniae; inde auxilia ducēsque arcessuntur. Quōrum adventū māgnā cum auctōritāte et māgnā cum hominum multitudine bellum 20 gerere cōnantur. Ducēs vērō ei dēliguntur, quī ūnā cum Quīntō Sertōriō omnēs annōs fuerant summamque scientiam rei militāris habēre existimābantur. Hī cōnsuetūdine populi Rōmāni loca capere, castra mūnīre, commeātibus nostrōs interclūdere instituunt. 25

Quod ubi Crassus animadvertit, suās cōpiās propter exiguitatem nōn facile dīdūcī, hostem et vagārī et viās obsidēre et castris satis praesidi relinquare, ob eam causam minus commodē frūmentum commeātumque sibi supportārī, in diēs hostium numerum augērī, nōn cunctandum 30

existimavit, quin pugnā decertāret. Hāc rē ad cōsiliū delātā, ubi omnēs idem sentire intellēxit, posterum diem pūgnae cōstituit.

*Crassus attacks the enemy's camp.*

24. Primā luce prōductis omnibus cōpiis, duplici acie  
 5 institūtā, auxiliis in mediam aciem coniectis, quid hostēs  
 cōsiliū caperent, exspectābat. Illi, etsi propter multitudi-  
 nem et veterem belli glōriam paucitatemque nostrōrum  
 se tūtō dīmicātūrōs existimābant, tamen tūtius esse  
 arbitrābantur, obsessis viis commeātū interclūsō sine  
 10 illō vulnere victōriā potiri, et, si propter inopiam rei  
 frūmentariae Rōmāni sēsē recipere coepissent, impeditōs  
 in agmine et sub sarcinis jam infirmiorēs animō adoriri  
 cōgitābant. Hōc cōsiliō probātō ab ducibus, prōductis  
 Rōmānōrum cōpiis, sēsē castris tenēbant. Hāc rē per-  
 15 spectā Crassus, cum suā cunctatiōne atque opīniōne  
 timōris hostēs nostrōs militēs alacriōrēs ad pūgnandum  
 effēcissent atque omnium vōcēs audirentur, exspectāri  
 diūtius nōn oportere, quin ad castra irētur, cohortātus  
 suos omnibus cupientibus ad hostium castra contendit.

*The struggle is at first indecisive.*

20 25. Ibi cum alii fossās complērent, alii multis telis  
 coniectis dēfēnsōrēs vāllō mūnitiōnibusque dēpellerent,  
 auxiliārēsque, quibus ad pūgnam nōn multum Crassus  
 cōnfīdebat, lapidibus telisque sumministrandis et ad ag-  
 gerem caespitibus comportandis speciem atque opīniōnem  
 25 pūgnantium praeberent, cum item ab hostibus cōstanter  
 ac nōn timidē pūgnārētūr telaque ex locō superiōre missa  
 nōn frūstrā acciderent, equitēs, circumitis hostium

castris, Crassō renūntiāverunt, nōn eādē esse diligentia ab decumānā portā castra mūnita facilemque aditum habēre.

*Victory of the Romans.*

26. Crassus equitum praefectōs cohortātus, ut māgnis praemiis pollicitatiōnibusque suōs excitārent, quid fieri 5 vellet, ostendit. Illi, ut erat imperātum, ēductis eis cohortibus, quae praesidiō castris relictæ intritæ ab labōre erant, et longiōre itinere circumductis, nē ex hostium castris cōspici possent, omnium oculis mentibusque ad pūgnam intentis, celeriter ad eas, quās diximus, mūnitiōnēs pervēnērunt atque his prōrūtis prius in hostium castris cōstitērunt quam plānē ab his vidēri aut, quid rei gererētur, cognōsci posset. Tum vērō, clāmōre ab eā parte auditō, nostrī redintegrātis viribus, quod plērumque in spē victōriæ accidere cōsuēvit, ācrius impūgnāre coepērunt. 15 Hostēs undique circumventi, dēspērātis omnibus rēbus, sē per mūnitiōnēs dēicere et fugā salūtem petere contendērunt. Quōs equitātus apertissimis campis cōsectātus, ex mīlium L. numerō, quae ex Aquitāniā Cantabrisque convēnisse cōstābat, vix quārtā parte relictā, multā nocte sē 20 in castra recēpit.

*The other Aquitanian tribes surrender.*

27. Hāc auditā pūgnā māxima pars Aquitāniæ sēsē Crassō dēdidit obsidēsque ultrō misit; quō in numerō fuērunt Tarbelli, Bigerriōnēs, Ptiāni, Vocātēs, Tarusātēs, Elusātēs, Gatēs, Ausci, Garumni, Sibuzātēs, Cocosātēs; 25 paucae ultimae nātiōnēs annī tempore cōnfisae, quod hiems suberat, hōc facere neglēxērunt.

CHAPTERS 28, 29. — CAESAR PROCEEDS AGAINST THE  
MORINI AND THE MENAPII.

*The Morini and Menapii retreat to their forests.*

28. Eōdem ferē tempore Caesar, etsi prope exācta jam aestās erat, tamen, quod omnī Galliā pācātā Morinī Menapiique supererant, quī in armīs essent neque ad eum umquam lēgātōs dē pāce mīsissent, arbitrātus id  
5 bellum celeriter cōfici posse, eō exercitum dūxit; qui longē aliā ratiōne ac reliquī Gallī bellum gerere coepērunt. Nam quod intellegēbant, māximās nātiōnēs, quae proeliō contendissent, pulsās superātāsque esse, continentēsque silvās ac palūdēs habēbant, eō sē suaque omnia contulē-  
10 runt. Ad quārum initium silvārum cum Caesar pervēnis- set castraque mūnīre instituisset, neque hostis interim vīsus esset, dispersis in opere nostrīs, subitō ex omnibus partibus silvae evolāvērunt et in nostrōs impetum fecē-  
runt. Nostrī celeriter arma cēpērunt eōsque in silvās  
15 reppulērunt et, complūribus interfectīs, longius impedi- tiōribus locīs secūtī paucōs ex suis dēperdidērunt.

*Caesar's operations for this year are suspended in consequence of heavy storms.*

29. Reliquīs deinceps diēbus Caesar silvās caedere instituit et, nē quis inermibus imprudentibusque militibus ab latere impetus fieri posset, omnem eam māteriam, quae  
20 erat caesa, conversam ad hostem collocābat et prō vallō ad utrumque latus exstruēbat. Incrēdibili celeritāte māgnō spatiō paucīs diēbus cōfectō, cum jam pecus atque extrēma impedimenta ā nostrīs tenērentur, ipsī dēnsiōrēs silvās peterent, ejus modi sunt tempestātēs cōsecūtae, utī

opus necessariō intermitteretur, et continuātiōne imbrium diūtius sub pellibus milites continēri nōn possent. Itaque vastātis omnibus eōrum agris, vicis aedificiisque incēnsis, Caesar exercitum redūxit et in Aulercis Lexoviisque, reliquis item civitatibus, quae proximē bellum fecerant, in 5 hibernis collocavit.

## BOOK IV.

### CHAPTERS 1-15. — THE WAR WITH THE USIPETES AND THE TENCTERI.

#### *The Usipetes and Tencteri enter Gaul.*

1. EĀ, quae secūta est, hieme, quī fuit annus Cn. Pompēiō, M. Crassō cōsulibus, Usipetēs Germānī et item Tencteri māgnā cum multitudine hominum flūmen Rhēnum trānsiērunt, nōn longē ā marī, quō Rhēnus Influit.  
5 Causa trānseundi fuit, quod ab Suebīs complūrēs annōs exagitātī bellō premēbantur et agrī culturā prohibēbantur.

#### *Character and customs of the Suebi.*

Suebōrum gēns est longē māxima et bellicōsissima Germānōrum omnium. Hī centum pāgōs habēre dīcuntur, ex quibus quotannis singula mīlia armātōrum bellandī  
10 causā ex finibus ēdūcunt. Reliquī, quī domī mānsērunt, sē atque illōs alunt; hī rūsus in vicem annō post in armīs sunt, illī domī remanent. Sic neque agrī culturā nec ratiō atque ūsus bellī intermittitur. Sed prīvātī ac sēparātī agrī apud eōs nihil est, neque longius annō  
15 remanēre ūnō in locō colendī causā licet. Neque multum frūmentō, sed māximam partem lacte atque pecore vivunt, multumque sunt in vēnātiōnibus; quae rēs et cibī genere et cotīdiānā exercitātiōne et libertāte vītāe, quod, ā puerīs nūllō officiō aut disciplinā assuēfactī, nihil omnīnō contrā  
20 voluntātem faciunt, et vīrēs alit et immānī corporum

māgnitūdine hominēs efficit. Atque in eam sē cōsuētūdinem addūxērunt, ut locis frigidissimis neque vestītūs praeter pellēs habērent quicquam (quārum propter exiguitātem māgna est corporis pars aperta) et lavārentur in flūminibus. 5

2. Mercātōribus est aditus magis eō, ut, quae bellō cēperint, quibus vēdant, habeant, quam quō ūllam rem ad sē importārī dēsiderent. Quīn etiam jūmentis, quibus māximē Gallī dēlectantur quaeque impēnsō parant pretiō, Germānī importātis nōn ūtuntur, sed quae sunt apud eōs 10 nāta, parva atque dēfōrmia, haec cotidiānā exercitātiōne, summī ut sint labōris, efficiunt. Equestribus proeliis saepe ex equis dēsiliunt ac pedibus proeliantur equōsque eōdem remanēre vēstigiō assuēfēcērunt, ad quōs sē celeriter, cum ūsus est, recipiunt; nēque eōrum mōribus tur- 15 pius quicquam aut inertius habētur, quam ephippiis ūti. Itaque ad quemvis numerum ephippiātōrum equitum quamvis pauci adire audent. Vinum omnīnō ad sē importārī nōn patiuntur, quod eā rē ad labōrem ferendum remollēscere hominēs atque effēmīnārī arbitrantur. 20

3. Publicē māximam putant esse laudem, quam lātissimē ā suis finibus vacāre agrōs; hāc rē significārī, māgnū numerum civitātum suam vim sustinēre nōn posse. Itaque ūnā ex parte ā Suēbīs circiter milia passuum centum agrī vacāre dicuntur. Ad alteram partem succēdunt 25 Ubiī, quōrum fuit civitās ampla atque flōrēns, ut est caput Germānōrum. Ei paulō (quamquam sunt ejusdem generis) sunt cēteris hūmāniōrēs, proptereā quod Rhēnum attingunt multumque ad eōs mercātōrēs ventitant et ipsī propter propinquitātem Gallicis sunt mōribus assuēfacti. 30 Hōs cum Suēbī, multis saepe bellis expertī, propter amplitūdinem gravitātemque civitātis finibus expellere nōn

potuissent, tamen vectigālēs sibi fēcērunt ac multō humiliōrēs infirmiōrēsque redēgērunt.

*The Usipetes and Tencteri overpower the Menapii.*

4. In eādē causā fuērunt Usipetēs et Tencteri, quōs  
suprā dīximus, quī complūrēs annōs Suēbōrum vim susti-  
5 nuērunt; ad extrēmum tamen agrīs expulsi et multis locis  
Germaniāe triennium vagātī ad Rhēnum pervēnērunt, quās  
regiōnēs Menapii incolēbant. Hī ad utramque rīpam  
flūminis agrōs, aedificia vicōsque habēbant; sed tantae  
multitūdinis adventū perterriti ex eis aedificiis, quae  
10 trāns flūmen habuerant, dēmigrāvērunt et cis Rhēnum  
dispositis praesidiis Germānōs trānsire prohibēbant.

Illi omnia experti, cum neque vī contendere propter  
inopiam nāvium neque clam trānsire propter cūstodiās  
Menapiōrum possent, reverti sē in suās sēdēs regiōnēsque  
15 simulāvērunt et triduū viam prōgressi rūsus revertērunt  
atque, omni hōc itinere unā nocte equitatū cōfectō, insciōs  
inopinantēsque Menapiōs oppressērunt, quī dē Germānō-  
rum discessū per explorātōrēs certiōrēs facti sine metū  
trāns Rhēnum in suōs vicōs remigrāverant. Hīs interfec-  
20 tis nāvibusque eōrum occupātis, priusquam ea pars Mena-  
piōrum, quae citrā Rhēnum erat, certior fieret, flūmen  
trāsiērunt atque, omnibus eōrum aedificiis occupātis,  
relīquam partem hiemis sē eōrum cōpiis aluērunt.

*The sickleness of the Gauls.*

5. Hīs dē rēbus Caesar certior factus et infirmitatē  
25 Gallōrum veritus, quod sunt in cōsiliis capiendīs mōbilēs  
et novīs plērumque rēbus student, nihil hīs committendum  
existimāvit. Est enim hōc Gallicae cōsuētūdinis, utī et  
viātōrēs etiam invitōs cōsistere cōgant et, quid quisque



eōrum dē quāque rē audierit aut cognōverit, quaerant, et mercātōrēs in oppidīs vulgus circumstatat quibusque ex regiōnibus veniant quāsque ibi rēs cognōverint, prōnūtiāre cōgant. His rēbus atque auditīōnibus permōti dē summīs saepe rēbus cōsilia ineunt, quōrum eōs in vēstigiō paenitēre necesse est, cum incertīs rūmōribus serviant et plērique ad voluntātem eōrum ficta respondeant.

*Caesar prepares for war against the Germans.*

6. Quā cōnsuetūdine cognitā Caesar, nē graviōri bellō occurreret, mātūrius, quam cōsuērat, ad exercitum proficiscitur. Eō cum vēnisset, ea, quae fore suspicātus erat, 10 facta cognōvit; missās lēgatiōnēs ab nōnnūllis civitatibus ad Germānōs invitātōsque eōs, utī ab Rhēnō discēderent; omniaque, quae postulāssent, ab sē fore parāta. Quā spē adductī Germānī lātius jam vagābantur et in finēs Eburonum et Condrūsōrum, quī sunt Trēverōrum clientēs, per- 15 vēnerant. Principibus Galliae ēvocātis Caesar ea, quae cognōverat, dissimulanda sibi existimāvit eōrumque animīs permulsis et cōfirmātis equitatūque imperātō bellum cum Germānīs gerere cōstituit.

*Defiant attitude of the Usipetes and Tencteri.*

7. Rē frūmentāriā comparātā equitibusque dēlectis, 20 iter in ea loca facere coepit, quibus in locis esse Germānōs audiebat. Ā quibus cum paucōrum diērum iter abesset, lēgātī ab hīs vērunt, quōrum haec fuit ōrātiō: Germānōs neque priōrēs populō Rōmānō bellum inferre, neque tamen recūsāre, sī lacessantur, quā armīs conten- 25 dant, quod Germānōrum cōnsuetūdō sit ā mājōribus trādita, quicumque bellum inferant, resistere neque dē-

precārī. Haec tamen dicere, vēnisse invītōs, ējectōs domō; sī suam grātiā Rōmānī velint, posse eis ūtilēs esse amīcōs; vel sibi agrōs attribuant vel patiantur eōs tenēre, quōs armīs possēderint: sēsē ūnīs Suēbīs con-  
 5 cēdere, quibus nē dī quidem immortālēs parēs esse possent; reliquum quidem in terrīs esse nēminem, quem nōn superāre possint.

*Caesar insists upon their immediate withdrawal from Gaul.*

8. Ad haec Caesar, quae vīsum est, respondit; sed exitus fuit ōrātiōnis: Sibi nūllam cum hīs amīcitiam  
 10 esse posse, sī in Galliā remanērent; neque vērū esse, quī suōs finēs tuērī nōn potuerint, aliēnōs occupāre; neque ūllōs in Galliā vacāre agrōs, quī darī tantae praesertim multitudinī sine injuriā possint; sed licēre, sī velint, in Ubīōrum finibus cōnsidere quōrum sint lēgātī  
 15 apud sē et dē Suēbōrum injūriis querantur et ā sē auxilium petant; hōc sē Ubīīs imperātūrū.

9. Lēgātī haec sē ad suōs relātūrōs dīxērunt et rē dēliberātā post diem tertium ad Caesarem reversūrōs; intereā nē propius sē castra movēret, petiērunt. Nē id  
 20 quidem Caesar ab sē impetrārī posse dīxit. Cognōverat enim, māgnam partem equitātūs ab eis aliquot diēbus ante praedandī frūmentandīque causā ad Ambivaritōs trāns Mosam missam; hōs exspectārī equitēs atque ējus rei causā moram interpōnī arbitrābātur.

*Description of the Meuse and the Rhine.*

25 10. Mosa prōfluit ex monte Vosegō, quī est in finibus Lingonum, et parte quādā ex Rhēnō receptā, quae appellātur Vacalus, insulam efficit Batāvōrum, neque longius

ab eō milibus passuum LXXX in Oceanum influit. Rhēnus autem oritur ex Lepontiis, quī Alpēs incolunt, et longō spatiō per finēs Nantuātium, Helvētiōrum, Sēquanōrum, Mediomatricōrum, Tribocōrum, Trēverōrum citātus fertur et, ubi Oceanō appropinquat, in plūrēs diffluit partēs 5 multis ingentibusque insulis effectis, quarū pars magna ā feris barbarisque nātiōnibus incolitur (ex quibus sunt, quī piscibus atque ovīs avium vivere existimantur), multisque capitibus in Oceanum influit.

*Caesar consents to further negotiations.*

11. Caesar cum ab hoste nōn amplius passuum XII 10 milibus abesset, ut erat cōstitutum, ad eum lēgātī revertuntur; quī in itinere congressī māgnopere, nē longius prōgrederētur, orābant. Cum id nōn impetrāssent, petēbant, utī ad eōs equitēs, quī agmen antecessissent, prae-mitteret eōsque pūgnā prohiberet, sibi ut potestātem 15 faceret in Ubiōs lēgātōs mittendī; quōrum sī principēs ac senātus sibi jūre jūrandō fidem fēcisset, eā condiciōne, quae ā Caesare ferretur, sē ūsūrōs ostendēbant; ad hās rēs cōficiendās sibi trīduī spatium daret.

Haec omnia Caesar eōdem illō pertinēre arbitrābātur, 20 ut trīduī morā interpositā equitēs eōrum, quī abessent, reverterentur; tamen sēsē nōn longius milibus passuum quattuor aquātiōnis causā prōcessūrum eō diē dixit; hūc posterō diē quam frequentissimī convenirent, ut dē eōrum postulātis cognōsceret. Interim ad praefectōs, 25 quī cum omni equitātū antecesserant, mittit, quī nūntiārent, nē hostēs proeliō laceggerent et, sī ipsī laceggerentur, sustinērent, quoad ipse cum exercitū propius accessisset.

*Meanwhile the Germans attack the Roman cavalry.*

12. At hostēs, ubi primum nostrōs equitēs cōspexērunt, quōrum erat quīnque mīlium numerus, cum ipsī nōn amplius octingentōs equitēs habērent, quod eī, quī frūmentandī causā ierant trāns Mosam, nōndum redierant,  
 5 nihil timentibus nostrīs, quod lēgātī eōrum paulō ante ā Caesare discesserant atque is diēs indūtiis erat ab hīs petītus, impetū factō celeriter nostrōs perturbāvērunt; rūsus hīs resistentibus, cōsuētūdine suā ad pedēs dēsiluērunt, subfossisque equīs complūribusque nostrīs dē-  
 10 jectīs, reliquōs in fugam conjēcērunt atque ita perterritōs ēgērunt, ut nōn prius fugā dēsisterent, quam in cōspectum agminis nostrī vērissent.

In eō proeliō ex equitibus nostrīs interficiuntur quatuor et septuāgintā, in hīs vir fortissimus, Pīsō Aquitānus,  
 15 amplissimō genere nātus, cūjus avus in cīvitāte suā rēgnū obtinuerat, amīcus ā senātū nostrō appellātus. Hic cum frātrī interclūsō ab hostibus auxilium ferret, illum ex periculō ēripuit, ipse equō vulnerātō dējectus, quoad potuit, fortissimē restitit; cum circumventus, multis  
 20 vulneribus acceptīs, cecidisset, atque id frāter, quī jam proeliō excesserat, procul animadvertisset, incitātō equō sē hostibus obtulit atque interfectus est.

*Caesar breaks off further negotiations.*

13. Hōc factō proeliō Caesar neque jam sibi lēgātōs audiendōs neque condiciōnēs accipiendās arbitrābātur ab  
 25 eīs quī per dolum atque insidiās, petītā pāce, ultrō bellum intulissent; expectāre vērō, dum hostium cōpiae augērentur equitātusque reverterētur, summae dēmentiae esse iudicābat, et cognitā Gallōrum infirmitāte, quantum

jam apud eos hostes uno proelio auctoritatis essent consecuti, sentiebant; quibus ad consilia capienda nihil spatii dandum existimabat.

His constitutis rebus et consilio cum legatis et quaestore communicato, ne quem diem pugnae praetermitteret, opportunissima res accidit, quod postridie ejus diei mane eadem simulatione et perfidia usi Germani frequentes, omnibus principibus majoribusque natu adhibitis, ad eum in castra venerunt, simul, ut dicebatur, sui purgandi causa, quod contra atque esset dictum et ipsi petissent, proelium pridie commississent, simul ut, si quid possent, de indutis fallendo impetrarent. Quos sibi Caesar oblatus gavisus, illos retinere jussit; ipse omnes copias castris eduxit equitatumque, quod recenti proelio perterritum esse existimabat, agmen subsequi jussit.

*He attacks and annihilates the German forces.*

14. Acie triplici instituta et celeriter VIII milium itinere confecto, prius ad hostium castra pervenit quam, quid ageretur, Germani sentire possent. Qui omnibus rebus subito perterriti et celeritate adventus nostri et discessu suorum, neque consili habendi neque arma capiendi spatium dato, perturbantur, copiasne adversus hostem ducere, an castra defendere, an fuga salutem petere praestaret. Quorum timor cum fremitu et concursu significaretur, milites nostri pristini diei perfidia incitati in castra irruerunt. Quo loco, qui celeriter arma capere potuerunt, paulisper nostris restiterunt atque inter carros impedimenta proelium commiserunt; at reliqua multitudō puerorum mulierumque (nam cum omnibus suis domo excesserant Rhenumque transierant) passim 30

fugere coepit; ad quōs cōsectandōs Caesar equitātum mīsit.

15. Germānī, post tergum clāmōre audītō, cum suōs interficī vidērent, armīs abjectīs signisque militāribus  
 5 relictīs sē ex castrīs ējēcērunt, et cum ad cōfluentem Mosae et Rhēnī pervēnissent, reliquā fugā dēspērātā, māgnō numerō interfectō, reliquī sē in flūmen praecipitāvērunt atque ibi timōre, lassitudīne, vī flūminis oppressī periērunt. Nostri ad ūnum omnēs incolumēs, perpaucīs  
 10 vulnerātīs, ex tantī bellī timōre, cum hostium numerus capitum ccccxix milium fuisset, sē in castra recēpērunt. Caesar eis, quōs in castrīs retinuerat, discēdendī potestātem fēcit. Illī supplicia cruciātūsque Gallōrum veritī, quōrum agrōs vexāverant, remanēre sē apud eum velle  
 15 dīxērunt. Hīs Caesar libertātem concessit.

#### CHAPTERS 16-19. — THE EXPEDITION INTO GERMANY.

*Caesar resolves upon an expedition into Germany.*

16. Germānicō bellō cōfectō, multis dē causīs Caesar statuit sibi Rhēnum esse trānseundum; quārum illa fuit  
 iūstissima, quod, cum vidēret Germānōs tam facile impelli, ut in Galliam venīrent, suis quoque rēbus eōs  
 20 timēre voluit, cum intellegent, et posse et audēre populī Rōmānī exercitum Rhēnum trānsire. Accessit etiam, quod illa pars equitātūs Usipetum et Tencterōrum, quam suprā commemorāvi praedandī frūmentandīque causā Mosam trānsisse neque proeliō interfuisse, post fugam  
 25 suōrum sē trāns Rhēnum in finēs Sugambrōrum recēperat sēque cum eis conjūxerat. Ad quōs cum Caesar nūntiōs mīsisset, quī postulārent, eōs, quī sibi Galliaeque bellum intulissent, sibi dēderent, respondērunt: Populī

Rōmānī imperium Rhēnum finire; si sē invitō Germānōs in Galliam trānsire nōn aequum existimāret, cūr suī quicquam esse imperī aut potestātis trāns Rhēnum postulāret?

Ubi autem, quī ūnī ex Trānsrhēnānīs ad Caesarem 5  
lēgātōs mīserant, amicitiam fēcerant, obsidēs dederant, māgnopere orābant, ut sibi auxilium ferret, quod graviter ab Suēbīs premerentur; vel, si id facere occupātiōnibus rei publicae prohiberetur, exercitum modo Rhēnum trāns-  
portāret; id sibi ad auxilium spemque reliquī temporis 10  
satis futurum. Tantum esse nōmen atque opiniōnem ejus exercitūs, Ariovistō pulsō et hōc novissimō proeliō factō, etiam ad ultimās Germānōrum nātiōnēs, utī opiniōne et amicitia populī Rōmānī tutī esse possint. Nāvium māgnam cōpiam ad trānsportandum exercitum 15  
pollicēbantur.

*He bridges the Rhine.*

17. Caesar his dē causis, quās commemorāvi, Rhēnum trānsire dēcreverat; sed nāvibus trānsire neque satis tūtum esse arbitrābatur, neque suae neque populī Rōmānī dignitātis esse statuēbat. Itaque, etsī summa diffi- 20  
cultās faciendī pontis prōpōnēbatur propter lātitudinem, rapiditatem altitudinemque flūminis, tamen id sibi contendendum aut aliter nōn trādūcendum exercitum existi-  
mābat.

Ratiōnem pontis hanc instituit. Tigna bīna sēsquipē- 25  
dālia paulum ab Imō praeacūta, dīmēnsa ad altitudinem flūminis, intervallō pedum duōrum inter sē jungēbat. Haec cum māchinātiōnibus immissa in flūmen dēfixerat festūcisque adōgerat, nōn sublicae modō dērectē ad per-  
pendiculum, sed prōnē ac fastigatē, ut secundum nātū- 30

ram flūminis prōcumberent, hīs item contrāria duo ad eundem modum jūcta, intervāllō pedum quadrāgēnum ab inferiōre parte contrā vim atque impetum flūminis conversa statuēbat. Haec utraque Insuper bipedālibus  
 5 trabibus immissis, quantum eōrum tignōrum jūctūra distābat, bīnis utrimque fibulis ab extrēmā parte distinēbantur; quibus disclūsīs atque in contrāriam partem revinctis, tanta erat operis firmitūdō atque ea rērum nātūra, ut, quō māior vīs aquae sē incitāvisset, hōc artius  
 10 illigāta tenērentur. Haec dērēctā māteriā injectā contexēbantur ac longuriis crātibusque cōsternēbantur; ac nihil sētius sublicae et ad inferiōrem partem flūminis obliquē agēbantur, quae prō ariete subjectae et cum omni opere conjūctae vim flūminis exciperent, et aliae item  
 15 suprā pontem mediocrī spatiō, ut, si arborum truncī sive nāvēs dēiciendī causā operis essent ā barbaris missae, hīs dēfēnsōribus eārum rērum vīs minuerētur, neu ponti nocērent.

*Some of the German tribes sue for peace. The Sugambri flee.*

18. Diēbus decem, quibus māteria coepta erat com-  
 20 portāri, omni opere effectō, exercitus trādūcitur. Caesar, ad utramque partem pontis firmō praesidiō relictō, in finēs Sugambrōrum contendit. Interim ā complūribus civitātibus ad eum lēgātī veniunt; quibus pācem atque amicitiam petentibus liberāliter respondet obsidēsque ad  
 25 sē addūcī jubet. At Sugambri ex eō tempore, quō pōns institui coeptus est, fugā comparātā hortantibus eīs, quōs ex Tencteris atque Usipetibus apud sē habēbant, finibus suis excesserant suaque omnia exportāverant sēque in solitūdinem ac silvās abdiderant.



*Caesar lays waste the territory of the Sugambri and returns to Gaul.*

19. Caesar paucos dies in eorum finibus moratus, omnibus vicis aedificisque incensis frumentisque succisis, se in fines Ubiorum recepit atque his auxilium suum pollicitus, si ab Suebis premerentur, haec ab eis cognovit: Suebos, posteaquam per exploratores pontem fieri comperrissent, more suo concilio habito nuntios in omnes partes dimisisse, uti de oppidis demigrarent, liberos, uxores suaeque omnia in silvis deponerent atque omnes, qui arma ferre possent, unum in locum convenirent; hunc esse dilectum medium ferre regionum earum, quas Suebi obtinerent; hic Romanorum adventum expectare atque ibi decertare constituisse.

Quod ubi Caesar comperit, omnibus eis rebus confectis, quarum rerum causa traducere exercitum constituerat, ut Germanis metum iniceret, ut Sugambros ulcisceretur, 15 ut Ubios obsidione liberaret, diebus omnino XVIII trans Rhenum consumptis, satis et ad laudem et ad utilitatem profectum arbitratus, se in Galliam recepit pontemque rescidit.

## CHAPTERS 20–36.—THE EXPEDITION TO BRITAIN.

*Caesar decides to invade Britain.*

20. Exigua parte aestatis reliqua Caesar, etsi in his locis, quod omnis Gallia ad septentriones vergit, maturae sunt hiemes, tamen in Britanniam proficisci contendit, quod omnibus ferre Gallicis bellis hostibus nostris inde sumministrata auxilia intellegebat et, si tempus anni ad bellum gerendum deficeret, tamen magno sibi usui fore 25 arbitrabatur, si modo insulam adisset, genus hominum

perspexisset, loca, portūs, aditūs cognōvisset; quae omnia  
 ferē Gallis erant incognita. Neque enim temere praeter  
 mercātōrēs illō adit quisquam, neque eis ipsis quicquam  
 praeter oram maritimam atque eas regiōnēs, quae sunt  
 5 contrā Galliās, nōtum est. Itaque vocātis ad sē undique  
 mercātōribus, neque quanta esset insulae māgnitūdō,  
 neque quae aut quantae nātiōnēs incolerent, neque quem  
 usum belli habērent aut quibus institūtis ūterentur, neque  
 quī essent ad mājōrem nāvium multitudinem idōnei  
 10 portūs, reperire poterat.

*The Britons send assurances of friendship.*

21. Ad haec cognōscenda, priusquam periculum face-  
 ret, idōneum esse arbitrātus Gāium Volusēnum cum nāvī  
 longā praemittit. Huic mandat, ut, explorātis omnibus  
 rēbus, ad sē quam primum revertātur. Ipse cum omnibus  
 15 cōpiis in Morinōs proficiscitur, quod inde erat brevissimus  
 in Britanniam trājectus. Hūc nāvēs undique ex finitimis  
 regiōnibus et, quam superiōre aestāte ad Veneticum  
 bellum effēcerat classem, jubet convenire.

Interim cōsiliō ejus cognitō et per mercātōrēs perlātō  
 20 ad Britannōs, a complūribus ejus insulae civitātibus ad  
 eum lēgātī veniunt, quī polliceantur obsidēs dare atque  
 imperiō populī Rōmānī obtemperāre. Quibus audītis,  
 liberāliter pollicitus hortātusque, ut in eā sententiā per-  
 manērent, eōs domum remittit et cum eis unā Commium,  
 25 quem ipse Atrebātibus superātis rēgem ibi cōstituerat,  
 cūjus et virtūtem et cōsiliū probābat et quem sibi  
 fidēlem esse arbitrābatur cūjusque auctōritās in his  
 regiōnibus māgnī habēbatur, mittit. Huic imperat, quās  
 possit, adeat civitātes hortēturque, ut populī Rōmānī  
 30 fidem sequantur, sēque celeriter eō ventūrum nūntiet.

Volusēnus, perspectis regiōnibus omnibus, quantum ei facultātis dari potuit, qui nāvi ēgredi ac sē barbaris committere nōn auderet, quīnto diē ad Caesarem revertitur, quaeque ibi perspexisset, renūntiat.

*The Morini apologize for their hostile attitude of the year before.*

22. Dum in hīs locis Caesar nāvium parandārum 5 causā morātur, ex māgnā parte Morinōrum ad eum lēgātī vērunt, qui sē dē superiōris temporis cōnsiliō excūsarent, quod hominēs barbari et nostrae cōnsuetūdinis imperitī bellum populō Rōmānō fēcissent, sēque ea, quae imperāssēt, factūrōs pollicērentur. Hōc sibi Caesar satis 10 opportunē accidissē arbitrātus, quod neque post tergum hostem relinquere volēbat neque bellī gerendī propter annī tempus facultātem habēbat neque hās tantulārum rērum occupātiōnēs sibi Britanniae antepōnendās iudicābat, māgnū eis numerum obsidum imperat. Quibus 15 adductis eōs in fidem recēpit.

*Rendezvous of the fleet.*

Nāvibus circiter LXXX onerāriis coāctis, quot satis esse ad duās transportandās legiōnēs existimābat, quod praeterea nāvium longārum habēbat, quaestōrī, lēgātis praefectisque distribuit. Hūc accēdēbant XVIII onerāriae nāvēs, 20 quae ex eō locō ā milibus passuum VIII ventō tenēbantur, quōminus in eundem portum venīre possent; hās equitibus distribuit. Reliquum exercitum Q. Tituriō Sabīnō et L. Aurunculēiō Cottae lēgātis in Menapiōs atque in eōs pāgōs Morinōrum, ā quibus ad eum lēgātī nōn vēnerant, dūcendum dedit; P. Sulpiciū Rūfū lēgātū cum 25 eō praesidiō, quod satis esse arbitrābātur, portum tenēre iussit.

*The expedition sails.*

23. His cōstitūtis rēbus, nactus idōneam ad nāvīgandum tempestātem tertiā ferē vigiliā nāvēs solvit equitēsque in ulteriōrem portum prōgredi et nāvēs cōnscondere et sē sequi iussit. Ā quibus cum paulō tardius esset ad  
 5 ministrātum, ipse hōrā diēi circiter quārtā cum primis nāvibus Britanniam attigit atque ibi in omnibus collibus expositās hostium cōpiās armātās cōspexit. Cūjus loci haec erat nātūra, atque ita montibus angustē mare continēbātur, uti ex locis superiōribus in litus tēlum adigi  
 10 posset. Hunc ad ēgrediendum nēquāquam idōneum locum arbitrātus, dum reliquae nāvēs eō convenirent, ad hōrā nōnam in ancoris exspectāvit.

Interim lēgātis tribūnisque militum convocātis, et quae ex Volusēnō cognōvisset, et quae fieri vellet, ostendit mo-  
 15 nuitque (ut rei militāris ratiō, māximēque ut maritimae rēs postulārent, ut quae celerem atque instabilem mōtum habērent), ad nūtum et ad tempus omnēs rēs ab eis administrārentur. His dīmissis et ventum et aestum unō tempore nactus secundum, datō signō et sublātis ancoris  
 20 circiter milia passuum septem ab eō locō prōgressus, apertō ac plānō litore nāvēs cōstituit.

*The Britons oppose the disembarkation of the Romans.*

24. At barbari, cōsiliō Rōmānōrum cognitō, praemissō equitātū et essedāriis, quō plērumque genere in proeliis uti cōsuērunt, reliquīs cōpiīs subsecūtī nostrōs  
 25 nāvibus ēgredi prohibēbant. Erat ob hās causās summa difficultās, quod nāvēs propter māgnitudinem nisi in altō cōstituī nōn poterant, militibus autem, ignōtis locis, impeditis manibus, māgnō et gravi onere armōrum oppressis simul et de nāvibus dēsiliendum et in fluctibus cōnsisten-

dum et cum hostibus erat pugnandum, cum illi aut ex arido aut paulum in aquam progressi, omnibus membris expeditis, notissimis locis, audacter tela conicerent et equos insuēfactos incitarent. Quibus rebus nostri perterriti atque huius omnino generis pugnae imperiti non eadem alacritate ac studio, quod in pedestribus uti proeliis consueverant, utebantur.

*Caesar forces a landing.*

25. Quod ubi Caesar animadvertit, naves longas, quarum et species erat barbaris inusitatior et motus ad usum expeditior, paulum removēri ab onerariis navibus et remis incitari et ad latus apertum hostium constitui atque inde fundis, sagittis, tormentis hostes propelli ac summoveri iussit; quae res magno usui nostris fuit. Nam et navium figurā et remorum motū et inusitato genere tormentorum permoti barbari constituerunt ac paulum modo pedem rettulerunt. Atque nostris militibus cunctantibus, maxime propter altitudinem maris, qui decimae legionis aquilam ferebat, obtestatus deos, ut ea res legioni feliciter eveniret, “Desilite,” inquit, “commilitones, nisi vultis aquilam hostibus prodere; ego certe meum rei publicae atque imperatori officium praestitero.” Hoc cum voce magna dixisset, se ex navi projecit atque in hostes aquilam ferre coepit. Tum nostri cohortati inter se, ne tantum dedecus admitteretur, universi ex navi desiluerunt. Hos item ex proximis navibus cum conspexissent, subsequuti hostibus appropinquarunt.

*The Britons are defeated and submit.*

26. Pugnatum est ab utrisque acriter. Nostri tamen, quod neque ordinem servare neque firmiter insistere neque

signa subsequi poterant, atque alius aliā ex nāvi, quibuscumque signis occurrerat, se aggregabat, magnopere perturbabantur; hostes vero, notis omnibus vadis, ubi ex litore aliquos singulares ex navi egredientes conspexerant, 5 incitatis equis impeditos adoriebantur, plures paucos circumstebant, alii ab latere aperto in universos tela coniciebant. Quod cum animadvertisset Caesar, scaphas longarum navium, item speculatoria navigia militibus compleri iussit et, quos laborantes conspexerat, his subsidia 10 summittēbat. Nostri, simul in arido constitērunt, suis omnibus consecutis in hostes impetum fecerunt atque eos in fugam dederunt; neque longius prosequi potuerunt, quod equites cursum tenere atque insulam capere non potuerant. Hoc unum ad pristinam fortunam Caesari 15 defuit.

27. Hostes proelio superati, simul atque se ex fuga recepērunt, statim ad Caesarem legatos de pace miserunt; obsides daturos, quaeque imperasset, esse facturōs polliciti sunt. Unā cum his legatis Commius Atrebas venit, 20 quem supra demonstrāveram a Caesare in Britanniam praemissum. Hunc illi ē navi egressum, cum ad eos oratoris modō Caesaris mandata deferret, comprehenderant atque in vincula conjecerant; tum proelio factō remisērunt et in petendā pace ejus rei culpam in multitudinem 25 contulerunt et, propter imprudentiam ut ignosceretur, petiverunt.

Caesar questus, quod, cum ultrō in continentem legatis missis pacem ab se petissent, bellum sine causā intulissent, ignoscere imprudentiae dixit obsidesque imperavit; 30 quorum illi partem statim dederunt, partem ex longinquiōribus locis arcessitam paucis diebus sese daturos dixerunt. Interea suos remigrare in agros jusserunt,

principēsque undique convenire et se civitatēsque suās  
Caesari commendāre coepērunt.

*The cavalry transports are prevented by a storm from landing.*

28. His rebus pāce cōfirmātā, post diem quārtum  
quam est in Britanniam ventum, nāvēs xviii, dē quibus  
suprā dēmōstrātum est, quae equitēs sustulerant, ex 5  
superiōre portū lēni ventō solvērunt. Quae cum appropinquārent  
Britanniae et ex castris vidērentur, tanta tempestās  
subitō coorta est, ut nūlla eārum cursum  
tenēre posset, sed aliae eōdem, unde erant profectae,  
referrentur, aliae ad Inferiōrem partem Insulae, quae est 10  
propius sōlis occāsum, māgnō suō cum periculō dēiceren-  
tur; quae tamen ancoris jactis cum fluctibus complē-  
rentur, necessariō adversā nocte in altum prōvectae  
continentem petiērunt.

*A high tide damages Caesar's fleet.*

29. Eādem nocte accidit, ut esset lūna plēna, quī diēs 15  
maritimōs aestūs māximōs in Ōceanō efficere cōsuevit,  
nostrisque id erat incognitum. Ita tūc tempore et longās  
nāvēs, quibus Caesar exercitum transportandum cūrāve-  
rat, quāsque in aridum subdūxerat, aestus complēbat et  
onerariās, quae ad ancorās erant deligatae, tempestās 20  
afflictabat, neque ūlla nostris facultās aut administrandī  
aut auxiliandī dabatur. Complūribus nāvibus frāctis,  
reliquae cum essent, fūnibus, ancoris reliquisque armā-  
mentis amissis, ad nāvigandum inūtiles, māgna, id quod  
necesse erat accidere, tōtius exercitūs perturbatiō facta 25  
est. Neque enim nāvēs erant aliae, quibus reportārī  
possent, et omnia deerant, quae ad reficiendās nāvēs  
erant ūsuī, et, quod omnibus cōnstābat, hiemārī in Galliā

oportere, frumentum in his locis in hiemem provisum non erat.

*The Britons assume a hostile attitude.*

30. Quibus rebus cognitis principes Britanniae, qui post proelium ad Caesarem convenerant, inter se collo-  
 5 cūti, cum et equites et naves et frumentum Romanis deesse intellegerent et paucitatem militum ex castrorum exiguitate cognoscerent, quae hoc erant etiam angustiōra, quod sine impedimentis Caesar legiones transportaverat, optimum factū esse duxerunt, rebellione factā, frumentō com-  
 10 meātūque nostros prohibere et rem in hiemem prodūcere, quod his superatis aut reditū interclusis neminem postea belli inferendi causā in Britanniam transitūrum confidebant. Itaque rursus, conjuratione factā, paulatim ex castris discedere et suos clam ex agris deducere coeperunt.

*Caesar meanwhile repairs his fleet.*

15 31. At Caesar, etsi nondum eorum consilia cognoverat, tamen et ex eventū navium suarum et ex eo, quod obsides dare intermiserant, fore id, quod accidit, suspicabatur. Itaque ad omnes casus subsidia comparabat. Nam et frumentum ex agris cotidie in castra conferēbat et, quae  
 20 gravissimē afflictæ erant naves, earum materiā atque aere ad reliquas reficiendās utebatur et, quae ad eas res erant usui, ex continenti comparari jubebat. Itaque, cum summō studio a militibus administraretur, XII navibus amissis, reliquis ut navigari satis commodē posset, effecit.

*The Britons attack the seventh legion in the grain fields.*

25 32. Dum ea geruntur, legione ex consuetudine unā frumentatum missā, quae appellabatur septima, neque ullā ad id tempus belli suspitione interpositā, cum pars



hominum in agris remaneret, pars etiam in castra ventitaret, ei, qui pro portis castrorum in statione erant, Caesari nuntiaverunt, pulverem majorem, quam consuetudo ferret, in ea parte videri, quam in partem legio iter fecisset. Caesar id, quod erat, suspicatus, aliquid novi a barbaris initum consili, cohortes, quae in stationibus erant, secum in eam partem proficisci, ex reliquis duas in stationem cohortes succedere, reliquas armari et confestim sese subsequi jussit.

Cum paulo longius a castris processisset, suos ab hostibus premi atque aegre sustinere et conferta legione ex omnibus partibus tela conici animadvertit. Nam quod, omni ex reliquis partibus demesso frumento, pars una erat reliqua, suspicati hostes, huc nostros esse venturos, noctu in silvis delituerant; tum dispersos depositis armis in metendo occupatos subito adorti, paucis interfectis reliquos incertis ordinibus perturbaverant, simul equitatu atque essedis circumdederant.

*Chariot fighting of the Britons.*

33. Genus hoc est ex essedis pugnae. Primo per omnes partes perequitant et tela coniciunt atque ipso terrore equorum et strepitu rotarum ordines plerumque perturbant, et cum se inter equitum turmas insinuaverunt, ex essedis desiliunt et pedibus proeliantur. Aurigae interim paulatim ex proelio excedunt atque ita currus collocant, ut, si illi a multitudine hostium premantur, expeditum ad suos receptum habeant. Ita mobilitatem equitum, stabilitatem peditum in proeliis praestant ac tantum usum cotidianum et exercitatione efficiunt, uti in declivi ac praecipiti loco incitatos equos sustinere et brevi moderari ac flectere et per temonem percurrere 30

et in jugō Insistere et sē inde in currīs citissimē recipere cōsuērunt.

*The Britons are defeated and sue for peace. Caesar returns to Gaul.*

**34.** Quibus rēbus perturbātis nostrīs novitāte pūgnae tempore opportūnissimō Caesar auxilium tulit; namque  
5 ējus adventū hostēs cōstitērunt, nostrī sē ex timōre recēpērunt. Quō factō ad lacesendum hostem et ad committendum proelium aliēnum esse tempus arbitrātus, suō sē locō continuit et brevī tempore intermissō in castra legiōnēs redūxit. Dum haec geruntur, nostrīs omnibus  
10 occupātis, quī erant in agrīs reliquī, discessērunt. Secūtae sunt continuōs complūrēs diēs tempestātēs, quae et nostrōs in castrīs continērent et hostem ā pūgnā prohibērent. Interim barbarī nūntiōs in omnēs partēs dīmiserunt paucitātemque nostrōrum militum suis praedicā-  
15 vērunt et, quanta praedae faciendae atque in perpetuum sui liberandī facultās darētur, sī Rōmānōs castrīs expulissent, dēmōstrāvērunt. Hīs rēbus celeriter māgnā multitudīne peditātūs equitātūsque coāctā, ad castra vērunt.

**35.** Caesar, etsī idem, quod superiōribus diebus acciderat, fore vidēbat, ut, sī essent hostēs pulsī, celeritāte periculum effugerent, tamen nactus equitēs circiter xxx, quōs Commius Atrebās, dē quō ante dictum est, secum  
25 transportāverat, legiōnēs in aciē prō castrīs cōstituit. Commissō proeliō diūtius nostrōrum militum impetum hostēs ferre nōn potuērunt ac terga vertērunt. Quōs tantō spatio secūti, quantum cursū et viribus efficere potuērunt, complūrēs ex eis occidērunt, deinde, omnibus longē lātēque aedificiis incēnsis, sē in castra recēpērunt.

36. Eōdem diē lēgātī ab hostibus missī ad Caesarem dē pāce vēnērunt. Hīs Caesar numerum obsidum, quem ante imperāverat, duplicāvit eōsque in continentem addūcī jussit, quod propinquā diē aequinoctī infirmīs nāvibus hiemī nāvigātiōnem subiciendam nōn existimābat. 5 Ipse idōneam tempestātem nactus paulō post mediam noctem nāvēs solvit; quae omnēs incolumēs ad continentem pervēnērunt; sed ex eis onerāriae duae eōdem portūs, quōs reliquae, capere nōn potuērunt, et paulō infā delātāe sunt. 10

#### CHAPTERS 37, 38. — THE REBELLION OF THE MORINI.

*The Morini attack a small body of Romans as they disembark.*

37. Quibus ex nāvibus cum essent expositī militēs circiter trecentī atque in castra contenderent, Morinī, quōs Caesar in Britanniam proficiscēns pācātōs reliquerat, spē praedae adductī primō nōn ita māgnō suōrum numerō circumsteterunt ac, sī sēsē interficī nōllent, arma 15 pōnere jussērunt. Cum illi orbe factō sēsē dēfenderent, celeriter ad clāmōrem hominum circiter milia sex convēnērunt. Quā rē nūntiātā Caesar omnem ex castrīs equitātum suis auxiliō mīsīt. Interim nostrī militēs impetum hostium sustinuērunt atque amplius hōrīs quattuor fortissimē pūgnāvērunt et paucīs vulneribus acceptīs complūrēs ex hīs occidērunt. Postea vērō quam equitatus noster in cōspectum vēnit, hostēs abjectīs armīs terga vertērunt māgnusque eōrum numerus est occisus. 20

*The Morini fall into the hands of Labienus.*

38. Caesar posterō diē Titum Labiēnum lēgātum cum 25 eis legiōnibus, quās ex Britannia redūxerat, in Morinōs,

quī rebellīōnem fēcerant, mīsit. Quī cum propter siccitātēs palūdum, quō sē reciperent, nōn habērent, quō perfugiō superiōre annō fuerant ūsi, omnēs ferē in potestātem Labiēni pervēnērunt. At Q. Titūrius et L. Cotta  
5 lēgātī, quī in Menapiōrum finēs legiōnēs dūxerant, omnibus eōrum agrīs vāstātis, frūmentis succis aedificiisque incēnsis, quod Menapii sē omnēs in dēnsissimās silvās abdiderant, sē ad Caesarem recēpērunt.

*The Roman army goes into winter quarters. Thanksgiving at Rome.*

Caesar in Belgis omnium legiōnum hiberna cōstituit.  
10 Eō duae omnīnō civitātēs ex Britannia obsidēs mīserunt, reliquae neglēxērunt.

His rēbus gestis, ex litteris Caesaris diērum viginti supplicātiō ā senātū dēcrēta est.



**Acme Library Card Pocket**

Under Pat. "Ref. Index File"

**Made by Library Bureau, Boston, Mass.**

---

**Keep Your Card in this Pocket**



